

四庫全書

子部

# 欽定四庫全書

子部

御定淵鑑類函卷三十四

詳校官宗人府丞<sub>臣</sub>寶光纂

主事<sub>臣</sub>祁韻士覆勘

總校官檢討<sub>臣</sub>何思鈞

校對官庶吉士<sub>臣</sub>張九鐔

謄錄監生<sub>臣</sub>胡念祖

欽定四庫全書

御定淵鑑類函卷三十四

地部十二

谷

澗

浦

井

谷一

原爾雅曰水注谿曰谷 增說文曰泉出通川曰谷

書注谷是兩山間流水之道 原毛詩曰葛之覃兮施

於中谷維葉萋萋 又曰伐木丁丁鳥鳴嚶嚶出自幽

谷遷于喬木 又曰皎皎白駒在彼空谷 增又曰高

岸為谷 書曰宅嵎夷曰暘谷 原老子曰谷得一以

盈谷無以盈將恐竭 增又曰知其榮守其辱為天下

谷 又曰上德若谷 家語曰溪谷為牝 秦紀曰塹

山堙谷 漢司馬相如曰右以湯谷為界注日所出處

唐韓愈文曰陷者呀然成谷 總記谷名北直房山

有賈島谷 景州有盧師谷 密雲縣有掛甲谷 江

南黔縣有樵貴谷 松江有華亭谷 山東臨淄縣有

愚公谷 莒州有崢嶸谷 山西中條山有王官谷以

王官廢壘為名又有郎君谷 介休縣有雀鼠谷 夏

縣有柳谷 唐縣有老姑谷 高平縣有省冤谷即趙

卒坑處舊呼殺谷唐改名省冤 河南濟源縣有盤谷

又有天井谷 登封縣有鬼谷 羅山縣有石人谷

陝西終南山有太乙谷 驪山有鸚鵡谷 又有馮

公谷 藍田縣有白鴉谷 長安縣有豹林谷 宜君

縣有鳳凰谷 成縣有公主谷 臨潼有坑儒谷 秦

州有雕窠谷 臨城縣有牛口谷 襄城縣有褒谷斜

谷又有箕谷 洋縣有子午谷有箕蓄谷又有儻谷駱

谷黃金谷 鳳縣有父子谷 黎州有彈琴谷盤龍谷

蘭州有榆谷 夷陵州有琮琤谷 長沙嶽麓山下

有蒼筤谷 永州江華縣有暖谷 江西五老峰下有

青牛谷又有棲賢谷 九江府有康王谷 寧都有延

春谷 金溪縣有錦繡谷 福建建陽縣有雲谷即朱

晦庵構草堂於此有桃溪竹塢漆園藥圃諸勝 南漳

有刻木谷漢孝子丁蘭所居 廣州英德縣有涵暉谷

滇南大理府有放光谷云是藥師道場四面放佛光  
谷二

增漢律厯志曰黃帝使伶倫取竹之嶰谷生其竅厚均  
者斷兩節吹之以爲黃鐘之宮 文選曰虞舜沈珠於  
淵抵壁於谷 原博物志曰夏桀之時爲長夜宮於深  
谷之中男女雜處三旬不出聽政其後大風揚沙一夕  
填此谷 增述異記曰廬山康王谷之巔有一城號爲  
釗城相傳周康王巡歷名山至此 宋王禹偁序略云

康王谷水簾高三百五十丈其泉為天下第一 原韓

子曰昔齊桓公入山問父老此為何谷答曰臣舊畜牛  
生犢以子買駒少年謂牛不生駒遂持而去傍隣謂臣  
愚遂名為愚公谷 增左傳曰公會齊侯於祝其實夾  
谷 原韓詩外傳曰孔子南遊適楚至於阿谷之隧有  
處子佩璜而浣者孔子抽觴以授子貢曰以觀其辭  
增寰宇記曰鬼谷先生居清溪之鬼谷采藥得道顏如  
少童 戰國策蘇秦說秦王曰大王之國東有穀函之



利按函谷舊關在靈寶老聃西度田文東出之處函谷

新關在新安項羽坑秦降卒於此 原劉向別錄曰方

士傳言鄒衍在燕燕有谷地美而寒不生五穀鄒子居

之吹律而溫氣至而穀生今名秦谷 增衛宏古文奇

字序曰秦既改古文為篆隸恐天下不從乃密令冬月

種瓜于驪山谷中溫處皆熟詔博士諸生說之前後七

百人人各異則皆使往視因伏機陷之後人號之曰

坑儒谷 史記曰張良送漢王至褒中說以燒絕所過

棧道按褒中即褒斜谷也舊有棧閣二千九百八十九間板閣二千八百九十二間歷代增損不一原漢武故事曰上時微行至栢谷舍於逆旅翁罵之因從乞漿翁曰止有溺無漿也增王莽傳曰通子午谷從杜陵直絕南山經漢中漢書曰鄭子真隱於谷口故曰鄭谷按谷口即箕谷之口也抱朴子曰南陽酈縣有甘谷水左右生甘菊花墮其中飲者無不壽三國志曰蜀姜維出師駱谷又魏曹爽自駱谷入漢中原戴延

之西征記曰梓澤去洛城六十里梓澤金谷也中朝賢  
達所集賦詩猶存是石崇居處增十道志曰鞏縣東  
有大谷潘岳閒居賦張公大谷之梨即此唐書曰司  
空圖隱中條山王官谷作亭名休休盜賊所過獨不入  
王官谷又曰陽城隱居夏縣之柳谷以學行著宰相  
李泌薦拜諫議大夫五代史補曰武行德業採樵有  
力謂可負一谷之薪號武一谷宋蔣之奇作暖谷記  
曰方盛寒入此谷雖挾纊熾炭不若也

谷三

原無私

為牝

幽

谷無私有致其響  
下家語見谷一

入幽

守辱

易

卦辭入于幽谷  
下出老子見水一

為陵

無底

詩

深谷為陵  
深谷無底

抵壁

覆簣

上見谷二  
覆簣于浚谷

將

取竹

墮花

並見  
谷二

秦關

石館

上見前  
詳石崇金谷別館

下

增雲門

天井

鄧城縣有雲  
門谷盤石西

有天  
井谷

子午

褒斜

上見谷一  
下見谷二

康王

馮公

並見  
前叙

公主

郎君

成縣有公主谷因後魏宣武時賜為公主  
湯沐邑王龜字大年侍父至河中結廬

于中條山谷中朔望一  
歸省故時號郎君谷

愚公

老姑

上見谷二  
姑谷在唐縣葛

洪山之南宋時有一老姑謂人曰  
貧道在此二百年矣言畢飛昇

棲賢

坑儒

宗少大卧

游錄云廬山之陽有棲賢谷多大  
石水聲如雷下坑儒詳前谷二

黃金

白石

黃金谷在

洋縣白石谷在  
清源縣之白石山

掛甲

彈琴

密雲縣掛甲谷宋楊  
延朗北征掛甲于此

黎州彈琴谷以水  
出谷中聲如鳴琴

遮馬

盤龍

遮馬谷在河津縣  
盤龍谷見前黎

州牛口

馬翅

童謡云竇入牛口勢不得久竇建德  
被擒於此宋李永奇挈家至馬翅

谷為金人所害

原出絲泉

量牛馬

書岱畎谷名出絲泉  
史記烏氏保保人名谷

量牛馬不知數也

畎起淒風

曳寒煙

大選淒風起東谷  
寒谷曳寒煙

增

鄭真耕

李愿隱

並見前叙

產靈芝

生甘菊

永和縣谷  
中產芝草

下詳  
甘谷

原風浸淫

日罕照

宗玉風賦浸淫溪谷盛怒于土囊之口

下見

後周景  
式記

增鳳凰建宮

鸚鵡營第

宜君縣鳳凰谷唐建玉華宮

韋嗣

立營別第于驪山鸚鵡谷  
中宗臨幸命從官賦詩

剝白鴉栗

步青牛雲

藍田

白鴉谷口出栗杜詩盤剝白鴉谷口栗  
牛谷因道士洪志乘青牛于此冲舉唐楊衡詩隨雲步

五老峰下青

入青牛谷青牛  
道士留我宿

質簞遺畫

蒼簞賜額

文與可遺蘇東坡畫乃質

蓄谷偃竹  
仙巢舊隱上有吹香亭宋理宗手題其額  
嶽麓山下蒼簞谷是尚書鍾

谷四

原名愚

韓子見前

堙

見秦紀堙谷

上德

見前谷一

晦

大谷晦蒼蒼

名鄭

即鄭谷見前

增岨以石門

左思蜀都賦云岨以石門謂箕谷之口有石如門也

白衣士

元稹詩念昔白衣士結廬在石門按其谷口則所念白衣士即念子真也

原出泉

見前說文

出風

颶颶出風

足音

空谷足音

曠兮

其若谷

增攢青楓

李白詩杳杳深谷攢青楓

隱瓊草

李白詩瓊草隱幽谷

深藏

數十家

杜甫詩傳道東柯谷深藏數十家東柯谷子美姪佐所居也

陰崖茅屋

杜甫

詩故人今居子午谷獨在陰崖結茅屋

呀然

韓愈文陷者呀然成谷

謙受言德

韓愈文其石谷曰謙受之谷谷言德也

黃金言容

其土谷曰黃金之谷谷言容也同上

靈草木古衣冠

樵貴谷在黠昔有樵者入此谷豁然清曠謂之小桃源李白詩地多靈草木人

尚古衣冠  
即指此

相邀錦繡

金溪縣有錦繡谷宋王安石還家詩有相邀錦繡谷中春之句

谷五

增歌唐韓愈送李愿歸盤谷歌曰盤之中維子之宮盤  
之土維子之稼盤之泉可濯可浴盤之阻誰爭子所窈  
而深廓其有容繚而曲如往而復嗟盤之樂兮樂且無  
殃虎豹遠跡兮蛟龍遁藏鬼神守護兮呵禁不祥飲且  
食兮壽而康無不足兮奚所望膏吾車兮秣吾馬從子  
于盤兮終吾生以徜徉



增詩唐韓愈和盧郎中雲夫送盤谷子詩曰昔尋李愿  
向盤谷正見高崖巨壁爭開張是時新晴天井溢誰把  
長劍倚太行衝風吹破落天外飛雨白日灑洛陽東蹈  
燕川入曠野有饋木蕨芽滿筐馬頭溪深不可厲借車  
載過水入箱平沙綠浪榜方口鴈鴨飛起穿垂楊窮探  
極覽頗恣橫物外日月本不忙歸來辛苦欲誰為坐令  
再往之計隨渺茫閉門長安三尺雪推書撲筆歌慨慷  
旁無壯士遣屬和遠憶盧老詩顛狂開緘忽覩送歸作

字向紙上皆軒昂又知李侯竟不顧方冬獨入崔嵬藏

我今進退幾時決十年蠹蠹隨朝行家請官供不報答

無異雀鼠偷太倉行抽手版付丞相不待彈劾還耕桑

宋韓琦過吳見谷詩曰曉入吳見谷危途信不虛千

峰疑絕路一逕俯容車山鳥過雲語田夫半嶺鋤時平

盡周道天險欲何如 宋孫覲題谷隱詩曰碧瘦幾千

疊清深漲一篙紅輕花似肉綠細柳如縹句好無強對

神超有獨遨葦間青蒨笠髣髴見秦逃 宋朱子康王

谷水簾詩曰循山西北驚崎嶇幾經丘前行荒蹊斷豁  
見清溪流一涉臺殿古再涉川原幽縈紆復屢渡乃得  
寒巖陬飛泉天上來一落散不收披崖日璀璨噴壑風  
颼颼追薪爨絕品淪茗澆窮愁敬酌古陸子何年復來  
遊

原賦晉胡濟瀍谷賦曰嘉高岡之崇峻兮臨元谷以遠  
覽仰高丘之崔嵬兮望清川之澹澹爾乃涉重險陟榛  
薄倚春木臨幽壑深谷豁以窈窕高峯鬱而岑巖

原序晉石崇金谷序曰余有別廬在河南界金谷澗中  
或高或下有清泉茂竹衆果竹木草藥之屬增唐韓  
愈送李愿歸盤谷序曰太行之陽有盤谷盤谷之間泉  
甘而土肥草木叢茂居民鮮少或曰謂其環兩山之間  
故曰盤或曰是谷也宅幽而勢阻隱者之所盤旋友人  
李愿居之

原記周景式廬山記曰石門是一大谷谷中有修林萬  
頃偉木千尋日月之光罕照焉增宋蘇軾為文與可

畫簣簪谷偃竹記曰與可以所畫簣簪谷偃竹遺予曰  
此竹數尺耳而有萬尺之勢簣簪谷在洋州與可嘗令  
予作洋州三十詠簣簪谷其一也予詩云漢川修竹賤  
如蓬斤斧何曾赦籜龍料得清貧饒太守渭濱千畝在  
胸中與可是日與其妻遊谷中燒筍晚食發函得詩失  
笑噴飯滿案

澗一

原釋名曰澗間也言在兩山間也 說文曰澗山夾水

也從水間聲

爾雅曰山夾水曰澗

增詩曰考槃在

澗碩人之寬

左傳曰澗溪治汴之毛

原韓宣子曰

董安于為趙上地守行石阜山見深澗峭如牆深百仞  
問其鄉左右曰人嘗有入此乎曰無有有嬰兒狂聲人  
入此乎曰無有有牛馬犬入此乎曰無有安于歎曰吾  
能治矣使吾法之無改猶入澗之必死則民莫之犯也  
增夢溪筆談曰世傳虹能入溪澗飲水信然熙寧中  
予使契丹至其極北黑水境永安山下卓帳是時新雨

霽見虹下帳前澗中予與同職扣澗觀之虹兩頭皆垂  
澗中使人過澗隔虹對立相去數丈中間如隔綃縠自  
西望東則見立澗之東西望則為日所鑠睹久之稍稍  
正東踰山而去次日行一程又復見之

## 澗二

增囊字記曰神農澗在溫縣昔神農採藥至此以杖畫  
地遂成澗又曰空桑澗在嵩縣相傳有莘氏女採桑  
伊川得子於空桑中故名水經注曰赤松澗在東陽

赤松子遊金華山以火自燒而化澗自山出故曰赤松澗  
盧氏嵩山記曰半馬澗或云百馬澗亦曰拜馬澗  
故老傳王子晉得仙而馬還國人思之乃拜其馬於此  
原漢書曰沛公與項籍臨廣武澗而語數籍以十罪  
增東觀漢記曰耿恭以䟽勒城傍有水徙居之匈奴  
來攻絕其澗水笮馬糞汁飲之 夢溪筆談曰壽州八  
公山側土中及溪澗之間往往得小金餅上有篆文劉  
主字世傳淮南王藥金也 魏都賦曰虎澗龍山相為



倚伏按虎澗在彰德一名虎磎 晉史曰陶淡侃之孫

也好讀易結廬山中養一白鹿自偶親故有候之者輒

移渡澗水人莫得近 孫綽蘭亭序曰以暮春之始解

楔南澗之濱 原異苑曰苻堅為慕容冲所襲堅馳騁

馬隨而落澗追兵幾及計無由出馬即踟躕臨澗垂控

與堅堅不能及馬又跪而授之堅援之得登岸而走

增後燕錄曰晉劉牢之與慕容垂戰敗牢之走策馬跳

五丈澗得免 唐白居易集東澗種柳詩有三年未離

郡可以見依依之句澗在重慶忠州治西開元寺側蓋  
樂天為忠州時鑿也 通鑑曰宋胡瑗布衣時讀書泰

山十年不歸得家書見上有平安字即投之澗中不復  
展讀 廣州記曰甘溪澗在番禺縣水味極甘冷又名

菖蒲澗澗中產菖蒲一寸九節 南越志云宋咸平中

姚成甫於澗側遇一丈夫曰此菖蒲安期生所餌可以  
忘老倏焉而逝今俗以七月二十五日安期生上昇相  
率為蒲澗之遊履綦駢錯 搜神記曰南陽劉麟之好

遊山水嘗採藥至衡山深入忘反見有一澗水水南有  
二石困一閉一開水深廣不得渡欲還失道遇伐弓人  
問徑僅得還家或說困中皆仙方靈藥及諸雜物麟之  
欲更尋索不復知處矣 王韶之神境記曰九疑山半  
其路皆蒼松翠竹下夾清澗澗中多黃色蓮花秋夏時  
香氣盈谷

澗三

原考槃

厲急

上詩見澗一  
詩過澗既厲急  
謝靈運行斤竹澗  
注以衣涉水曰厲

五

丈百仞

上見劉牢之跳澗下見董安于論法

增磨針

巨石

磨針澗在均州

太和山即真武遇老嫗處

解楔

移渡

上詳孫綽序下見陶淡

移渡避人

飲虹

拜馬

上詳澗一

採藥

泛蒲

劉麟之因採藥

入衡山深澗

廣南于七月二十五日相率為蒲澗之遊並詳前叙

原泠泠泉

磊磊

石山澗何泠泠

磊選

增偶白鹿

乘黃犢

上係陶淡事劉渙

嘗乘黃犢往來南康西澗

開黃蓮

種綠柳

黃蓮見前九疑山清種柳見前白司

馬忠州東澗

拾金餅

見石圀

金餅見前叙八公山溪澗石圀見前劉麟之入衡

山南澗

漱鳴玉

羹香芹

文選飛泉漱鳴玉杜詩香芹碧澗羹

澗四

原來繁

詩于以采繁于澗之中

采蘋

于以采蘋南澗之濱

斯干

秩秩斯澗也

增行斤竹

見謝靈運詩題

老夫自汲

杜甫酬薛大詩老夫自汲澗

深

不過咫尺

韓愈上于頔書澗谷之水深不過咫尺

赤足踏

韓愈詩當流赤足踏澗石

流若織紋響若操琴

見柳柳州石澗記中

縈迴

李白詩澗谷隨縈迴

鳴騶

韋應物詩鳴騶響幽谷

躡石欹危

同上躡石欹危過碧澗

一迳如

蛇三百曲

見楊萬里遊蒲澗詩

玉澗三十六

玉澗源出新淦縣玉筍山迴互紆曲

號三十

六澗

澗五

原歌宋徐諼華林北澗歌曰總長潭兮括遠源下沈溜  
兮起輕泉迴谿浚兮曲沼阻衝波激兮瀨淺淺貫九谷  
兮積靈芝飛清濤兮潔澄漣

原詩梁劉孝威賦得曲澗詩曰澗流急易轉溪竹闇難  
開近樓俄已失前洲忽復迴石岸生寒蘚沈根漬水苔  
菱舟失道去歸鳬迷逕來 增唐韋應物滁州西澗詩  
曰獨憐幽草澗邊生上有黃鸝深樹鳴春潮帶雨晚來

急野渡無人舟自橫 唐王維鳥鳴磎詩曰人閒桂花

落夜靜春山空月出驚山鳥時鳴春磎中 唐白居易

遊石門澗詩曰石門無舊逕披榛訪遺跡時逢山水秋

清輝如古昔常聞惠遠輩題詩此巖壁雲覆莓苔封蒼

然無處覓蕭疎野生竹崩剝多年石自從東晉後無復

人遊歷獨有秋澗聲潺湲空旦夕 宋鄭繇經慈恩澗

詩曰岸與恩同廣波將慈共深涓涓勞日夜長似下流

心 宋葉夢得憶朱氏西澗詩曰澗下流泉澗上松清

陰盡處有層峰應知六月冰壺外未許人間得暫逢

宋楊萬里遊菖蒲澗呈周帥蔡漕張舶詩曰勝日從公  
蒲澗遊萬壑聲滿千崖秋一迳如蛇三百曲繞盡山腹  
到山頭穹巖千仞敲欲裂仰看飛泉瀉雲窟鏘成環佩  
奏成琴濺作珠璣霏作雪步穿危磴攀蒼藤忽上穹巖  
頂上行人在半天泉在井不敢下瞰惟聞聲只怪前驅  
深不見須臾却向前山轉海風吹袖萬丈長海水去人  
一弓遠老僧高卧晏未興先遣長松夾道迎小參古殿



黃面老不見舊日安期生景泰上方半堵壁城中望之  
雪山白却從景泰望城中曉日樓臺煥金碧君不見中  
流千金博一壺不如遊山飢時粥一盂金印繫肘大如  
斗不如遊山倦時一杯酒安期飛昇今幾年祖龍不是  
不求仙至今年年七月二十五傾城遊人來訪古 宋  
趙師秀訪韓中止不遇題澗上詩曰隔澗竹扉深蒼童  
引客尋雖然乖晤語猶得見園林野蔓殊妨步山蟬亦  
好吟石根泉數斗清冷應人心 宋真山民朱溪澗詩

曰路轉峰迴又一邨天寒大半掩柴門雲融山脊嵐生  
翠水齧沙洲樹出根任擁重裘風亦冷未投荒店月先  
昏今宵只傍梅花宿贏得清芬入夢魂 宋紀青宿石

公澗中詩曰小閣久留高士卧鹿皮夢破石林苔半林  
曙色生巖牖山鳥不來山雨來 明李東陽梅澗詩曰

地僻沙寒水更清老梅偏向澗邊橫風吹落瓣仍低隕  
石壓傍枝却倒生野鶴對人輕欲舞蹇驢衝雪瘦能行  
山翁只在山中老看盡春光不入城 明釋宗泐入孤

澗詩曰谷裏何人住山腰有徑通老猿時挂樹好鳥自  
吟風古澗寒泉碧連山夕燒紅隱居慙未遂明日片帆  
東

原記唐柳宗元石澗記曰石渠之事既窮上由橋西北  
下土山之陰民又橋焉其水之大倍石渠三之一亘石  
為底達於兩涯若牀若堂若陳筵席若限閭奧水平布  
其上流若織文響若操琴揭跣而往折竹掃陳葉排腐  
木可羅胡牀十八九居之交絡之流觸激之音皆在牀

下翠羽之木龍鱗之石均陰其上古之人其有樂乎此  
耶後之來者有能追余之踐履耶得意之日與石渠同  
由渴而來者先石渠後石澗由百家瀨上而來者先石  
澗後石渠澗之可窮者皆出石城村東南其間可樂者  
數焉其上深山幽林逾峭險道狹不可窮也

浦一

原說文曰浦水濱也 風土記曰大水有小口別通為  
浦 增雞跖集曰李賀謂天漢為銀浦 潘閔詩曰渙

浦風水急

杜甫詩曰蕭條別浦清

李華詩曰凌灘

出極浦

蘇軾詩曰遙渡清涼浦

又蟬噪垂楊浦

總計浦名

淮稱淮浦

洛稱洛浦

金陵有西浦亦

名項浦

池陽有秋浦

太平有繁昌浦

松江有五

大浦曰大盈曰顧會曰崧子曰盤龍曰趙屯諸浦或入

江或入泖

上海有黃浦又有周浦鶴沙浦

毘陵亦

有申浦

京口有屠兒浦

廣陵有公路浦

儀真有

胥浦

廬州有箏笛浦又有藏舟浦

和州有當利浦

嘉禾有澉浦乍浦 湖州有掩浦 臨安有鐵幢浦

又有富春浦 越州有嵎浦 夔州有魚復浦 武昌

有黃軍浦 江夏有南浦以其在郭之南故名 荊州

有劉郎浦 岳州有三湘浦 長沙有青楓浦 澧州

有澧浦 江州有湓浦又有女兒浦 湖口有射蛟浦

廣州有沈香浦又有合浦溪浦 廣西有浴海浦

浦二

增詩云率彼淮浦 原楚辭曰望美人兮南浦 又曰

出溆浦而遭迴 增又曰捐予珮子澧浦 又曰遺予

珮兮蠡浦 輿地記曰儀真胥浦乃子胥解劍渡江之

處 又曰黃浦東海之喉吭也以黃歇封此名黃浦又

曰春申浦 又曰射蛟浦在湖口相傳漢武教樓船處

又云漢武自潯陽浮江親射蛟獲之故名 原後漢書

曰孟嘗為合浦太守行化一年去珠復還 增荊州記

曰劉郎浦因漢昭烈帝娶孫夫人渡此故名 廬州記

曰箏笛浦在廬州城內漁人嘗夜聞箏笛聲云是曹操

溺妓女舟於此 文選曰魏陳思王遇神女於洛浦作

洛神賦 原伏滔北征記曰廣陵西一里水名公路浦

袁術自九江東奔袁譚於下邳由此浦渡因名

即今淮口

述征記曰興浦舊魏步道吳揭水灌之今絕道為浦

增輿地記曰武昌鸚鵡洲下三國時黃蓋屯兵於上故

名黃軍浦沈攸之謂泊黃金浦蓋聲之訛也 寰宇記

曰廬州城內有浦長八十丈魏將張遼禦孫權鑿之以

藏戰艦故名藏舟浦 圖經云松江澱山湖東有大盈



浦孫權造青龍戰艦之所 原劉楨京口記曰縣城東

南大路過長岡五里得屠兒浦昔諸屠兒居此小浦因  
以為名也 增輿地記曰和州城東有當利浦晉王濬

平吳水軍揚帆順流於此而下王渾以旗招之報云風  
利不得泊遂先入石頭後因以當利為名 郡國志曰

金陵西浦即晉張碩捕魚遇神女杜蘭香之處 異苑

曰晉阮明泊舟西浦見一青衣女子彎弓射之女即軒  
雲而去 原顧微廣州記曰溪浦口有蒲母養龍裂斷

其尾因呼龍掘人時見之則土境大豐而利涉也 增

又曰晉時吳隱之為廣州刺史及歸其妻劉氏取沈香  
一片隱之命投諸江遂名沈香浦 廬山記曰江州青

湓山有井形如盆故城號湓城浦曰湓浦 蕭子顯齊

書曰世祖于湓浦得五尺刀十一口應永明享厯之數

文選江淹別賦曰春草碧色春水綠波送君南浦傷

如之何 輿地記曰池陽秋浦李太白愛其山水之勝

常欲家焉 臨安志曰吳越王射潮箭所止處嘗立鐵

幢故錢塘江上有鐵幢浦 郡國志曰上海鶴沙浦一

名下沙浦宋宣城吳潛侍父讀書于此後為開慶名相

董穀澈浦志曰澈乍二浦俱濱海元代設市舶司倭

商番賈航海湊集而至元間澈浦為尤盛至今澈上有

名十間樓者乃當年楊市舶司教歌伎樓也

### 浦三

原率淮 入澈

上見詩經  
下見楚辭

送君

溺妓

送君南浦  
第笛浦曹操

嘗溺

妓舟

遺珮

投香

上見楚詞  
下詳沈香浦

藏舟

弭棹

上詳  
藏舟

浦皮日休詩弭  
吾棹子澧之浦

射蛟

捕魚

上詳射蛟浦  
魚見張碩西浦

捕

碧草

綠波

並見南浦

蟬噪

鴈驚

東坡詩蟬噪垂楊浦  
王勃滕王閣序雁

陣驚寒聲斷  
衡陽之浦

龍艦

鐵幢

龍艦見前大盈浦  
鐵幢浦是吳越王事

望

美人

遇神女

上見楚詞  
下見洛神賦

號春申

名公路

並詳前叙

南濟魚龍

夜聞箏笛

夏口浦有魚龍大禹南濟黃  
龍夾舟之處下詳浦二

劉郎娶婦

孟守還珠

並詳浦二

黃蓋屯兵

伍胥解

劍

並詳前叙

白吟獨樹

李詠新林

白居易有獨樹浦詩  
李白有新林浦阻

詩風

浦四

增廻塘

簡文帝入淑浦詩汎水入廻塘

荒樹寒沙

丘遲漁浦詩森森荒樹齊浙寒沙

漲

旦發夕逗

丘遲旦發漁浦孝綽夕逗繁昌浦

劉

對青崖

楊炯文浦對青

崖

寂無喧

陳子昂詩浦寂無喧

辭北渚宿南洲

陳子昂宿讓河浦詩

沿流辭北渚結纜宿南洲

明如月

陳子昂詩沙浦明如月

淨如洗

李白詩浦沙淨

如洗 以此難挂席

李白新林浦阻風詩

挂帆劉郎

杜甫詩挂帆早發劉郎浦

欲歸濃西

杜甫詩欲歸濃西宅阻此江浦深

向來澄

杜甫詩江浦向來澄

舟楫不敢繫

杜甫宿鑿石浦詩

潯陽草木

白居易湓浦早冬詩潯陽孟冬月草

木末全衰

蘆荻花中

白居易蒲中夜泊詩  
蘆荻花中一點燈

覆湓水失廬

山

白居易南浦詩  
脫後水生

索索蕭蕭

同上南浦詩  
風飄細雪落

如米索索蕭蕭

秋復秋

皮日休詩  
蒲上

朝夕潮至龜

蕭蘆葦間

蒙門外有水通浦漱

女兒口

鄭韶過女兒浦詩  
浦口寒煙生白波

日

而朝夕之潮至焉

閃江豚風翻水鶴

盛或次漢蒲詩  
日閃江豚背風翻水鶴巢

潮落西陵渡

崔國輔宿范浦詩月暗

潮又落西陵渡暫停

浦五

原詩梁簡文帝入漱浦詩曰汎水入迴塘空枝度日光

竹垂懸掃浪鳬翅遠避檣 梁丘遲旦發漁浦潭詩曰

魚潭霧未開赤亭風已颺擢歌發中流鳴鞞響沓嶂村  
童忽相聚野老時一望詭怪石異象危絕峰殊狀森森  
荒樹齊浙浙寒沙漲藤垂島易陟崕傾嶼難傍 梁劉

孝綽夕逗繁昌浦詩曰日入江風靜安波似天流暮煙

生遠路夕鳥赴前洲 增唐崔國輔宿范浦詩曰月暗

潮又落西陵渡暫傳村煙和海霧舟火亂江星路轉定

山遶塘連范浦橫鷗夷近何去空山臨滄溟 唐李白

新林浦阻風寄友人詩曰潮水定可信天風難與期清  
晨西北轉薄暮東南吹以此難掛席佳期益相思海月  
破圓影菰蔣生綠池昨日北湖梅開花已滿枝今朝東  
門柳夾道垂青絲歲物忽如此我來定幾時紛紛江上  
雪草草客中悲明發新林浦空吟謝朓詩 唐杜甫發  
劉郎浦詩曰挂帆早發劉郎浦疾風颭颭昏停午舟中  
無日不沙塵岸上空村盡豺虎十日北風風未迴客行  
歲晚尤相催白頭厭伴漁人宿黃帽青鞋歸去來 唐



陳子昂宿空舫峽青樹邨浦詩曰的的明月水啾啾寒  
夜猿客思浩方亂洲浦寂無喧憶作千金子寧知九逝  
魂虛聞事朱闕結綬驚華軒委別高堂愛窺覲明主恩  
今成轉蓬去歎息復何言 又宿讓河驛浦詩曰沿流

辭北渚結纜宿南洲合岸昏初夕迴塘暗不流卧聞塞  
雁斷坐聽峽猿愁沙浦明如月汀葭晦若秋不及能鳴  
鴈徒思海上鷗天河殊未晚滄海信悠悠 明藍仁晚  
浦歸帆詩曰估客前年去扁舟此日迴煙生全浦暝風

健片帆催桂楫看將近柴門認半開隣人攜酒饌歡笑  
慰歸來 明郊韶過女兒浦詩曰浦口寒煙生白波賞

花風急棹舟過人家一路青山下只有秋田落鴈多

明盛或舟次漢浦詩曰漢浦揚帆秋水高青山小朶出

林梢浪開日閃江豚背草亂風翻水鶴巢破產曾無匡

國計辭家徒有故人袍長年三老歌相答一夜霜華入

鬚毛 明謝績東浦夜泊詩曰日落潮生浦天空月上

沙歸舟與飛鳥相趁入蘆花 明程元輔過澱湖泊石

浦詩曰沙浦偃秋風湖雲藏夕雨何處遠行人飛帆下  
石浦 明王穉登黃浦夜泊詩曰黃浦灘頭水拍天寒  
城如霧柳如煙月沈未沈魚觸網潮來欲來人放船  
原表宋王宏廣陵前浦開表曰伏聞廣陵前浦榛蕪歷  
久近復開除清源虛邃含明內鑒瑞以數致象以類應  
夫如是者鸞響鳳儀可停矚而須矣

井一

原釋名曰井清也泉之清潔者也 易傳云井通也物

所通用也 說文云八家為井象構幹形甕象也 風

俗通云井者法也節也言法制居人令節其飲食無窮

竭也久不滌滌為井泥

易井泥不食

不傳汚曰井漆

易井漆不食漆

治也去汚穢之名也

滌井曰浚井水清曰冽井甃聚磚修井也

甃責

救反易井甃无咎

增易井卦改邑不改井往來井井

又曰

舊井无禽

又曰井收勿幕

謂不覆之以收其利

原禮記云井

與門戶竈中雷為五祀

周禮曰挈壺氏掌挈壺以令

軍井 增左傳曰塞井夷竈

又曰井堙木刊

又曰

目于智井而出之

智井廢井也

莊子曰埳井之鼃

埳音坎

謂

東海鼃曰吾樂歟吾跳梁於井幹之上休乎缺甃之涯

埳井之樂亦至矣奚不來觀乎東海之鼃左足未入右

膝已絳矣又曰子貢過漢陰見一丈人方將為圃畦

鑿隧而入井抱甕而出灌子貢曰有械於此後重前輕

汲水若拙名曰桔槔日浸百畦用力寡而見功多子不

欲乎丈人笑曰有機事者必有機心機心存乎胸中則

道之所不載也原楚詞曰掩芳芷於腐井

言井泉腐臭也

增呂氏春秋曰宋丁氏無井常一人漑汲於外及自穿井喜而告人吾穿井得一人傳之者聞於宋君召問其故對曰得一人之使非得一人於井也 原風俗通曰堂殿上作以象東井畫水草所以厭火故名藻井 魯靈光殿賦曰圓泉方井反植荷蕖 戴延之西征記曰太極殿上有金井金博山轆轤交龍負山於井上有金獅子在龍下 增山海經注云崑崙墟在西北帝之下都高萬仞面有九井以玉為檻 原嵩高山記曰少室

山有雲母井井出雲母 增荊州記云夏至日浚井改

水冬至日鑽燧改火 原又云風井夏則風生冬則風

入 又云江陵縣東北有天井臺東臨天井井周迴二

里許中有潛室人時見之輒有兵寇 異物志曰廬陵

城中有一井中有二色水半青半黃黃者灰汁取作糜

粥皆作金色土人名灰汁為金因名為金井 增從征

記曰太山有上中下三廟廟前有大井水極香潔 揚

州職方志曰廣陵蜀岡上有井曰蜀井言水與西蜀相

通茶品天下水有二十種而蜀岡水為第七 壽陽記

曰三伏之日炎暑赫曦男女往來氣喘苦渴望見義井而喜未至則憂既至而樂俗呼為歡樂井也 水經注

曰東阿北門阜上有井深六丈歲常煮膠以貢天府

益州記曰邛州城南有火井民取其火先投以家火投之少頃聲如雷光燄騰上民盛以竹筒拽行終日不滅又以井火煮鹽五斛水得五斛鹽家火煮之則無幾也輿地記曰藍田縣玉案山有井水落井中輒作水長



安不藏冰於此井取之

廣州志曰瓊州文昌縣有魚

爺井其水與海通有大魚白頭俗呼魚爺即出

郡國

志云會同有陷浴井其水與淪水通人以竹置井口得  
之淪水其俗呼竹為陷浴故名 南越志曰貴縣有司

命井 燕都游覽志曰出安定門外循古壕而東五里

有滿井井面五尺冬夏常滿井高於地泉高於井築亭

其上都人游覽之所 原瑞應圖曰王者清淨則浪井

出

浪井不鑿  
自成也

洞冥記曰長安東七萬里有雲山山頭

有井雲從中出若土德王則黃雲出火德王則赤雲出  
水德王則黑雲出金德王則白雲出木德王則青雲出  
增附鑿井方 聞見後錄云洛陽楚氏掘井每不得  
泉有術者云夜以水盛器若見星多者下有泉用之果  
然 感遇傳曰青州刺史張士平中年夫婦皆瞽一日  
遇書生為開井一眼得新泉洗之眼俱如初因留其說  
以救世其要曰子午之年五月戌酉十一月卯辰為吉  
丑未之年六月戌亥十二月辰巳寅申之年七月亥子

正月巳午卯酉之年八月子丑二月午未辰戌之年九月申未三月寅丑巳亥之年十月申酉四月寅卯按其方位年月日時鑿井即為福地士平拜受訖書生升天去蓋太白星官也 附海井 癸辛雜識曰華亭縣市中有一物如小桶無底非竹非木非金非石忽遇海舶老商見之曰此至寶也名曰海井凡航海者必載淡水自隨今得此但以大器滿貯海水置此井於水中汲之皆甘泉矣急買之去

井二

原荊州記曰隨郡北界有厲鄉邨邨南有重山山下有一穴父老相傳云神農所生內周圍一頃二十畝有九井神農既育九井自穿世本云黃帝見百物始穿井

增帝王世紀曰堯時擊壤歌曰鑿井而飲史記曰

瞽瞍使舜浚井與象共下石填之舜為匿穴旁出淮

南子云伯益作井而龍登元雲神棲崑崙陳留風俗

記云雍丘縣夏后祠有神井能興霧電管子云桓公

與管仲十日齋戒掘新井而柴焉

以柴覆井取潔也

郡國志

曰禹城有晏嬰井以水和膠入藥亞於東阿

瀨鄉記

曰老子廟中有九井汲一井餘井皆動 原異苑曰句

容縣有延陵李子廟廟前井及瀆恒自湧沸故曰沸井

于今猶然

亦曰沸潭

增韓詩外傳曰魯哀公使穿井三月

不得泉得一玉羊哀公甚懼孔子曰丘聞水之精為玉

土之精為羊此羊肝乃土耳公命殺羊其肝即土也

國語曰季桓子穿井獲如土缶其中有羊焉使問之仲

尼曰穿井而獲狗何也對曰以丘所聞羊也丘聞之木石之怪曰夔蜎蛎水之怪曰龍罔象土之怪曰羆羊

寰宇記曰荊州章臺寺內有澆花井楚靈王所鑿又

宋玉井在承天府學泮池側郡國志曰板渚津南有

厄井漢高與楚戰敗遁井中追軍至見兩鳩從井出得免厄又曰汝寧固始縣治有漆井相傳漢高追項羽

至此以漆布井使不得通河水搜神記曰漢惠帝二

年有兩龍現於蘭陵井中三日去京房易傳曰有德遭

害厥妖龍見井中 荊州記曰湘州南寺之東賈誼宅

有井上斂下大狀似壺即誼所穿井 漢書曰武帝造

井榦樓高五十丈

積木之高如井榦形

古舞曲曰淮南王自言

尊百尺高樓與天連後園鑿井銀作牀金瓶素綆汲寒

漿

銀牀即井榦皆井上欄也

琅環記曰卓文君閨中庭內有一井

文君手汲則甘香用以沐浴則滑澤芳鮮他汲之與常

井等沐浴亦不少異至今猶存即文君井也 漢書曰

朱博為御史大夫府吏舍百餘區井水俱竭 又曰益

州嚴貞觀有通仙井相傳此井與廣漢綿竹君平宅井相通有人淘井得銅錢三徑可二寸因恍惚不安復投井中立愈或云此君平卜卦錢也 郡國志曰傾井在東鹿縣相傳漢光武徇師河北歷此三軍渴甚遇井苦無汲具井忽傾倒水溢 又曰阿對井在河南府閩

焚

鄉西南阿對漢楊震家奴也嘗引泉以灌蔬因名 後漢書曰耿恭守疏勒穿井十五丈不得水軍士渴乏笮飲馬糞汁恭乃整衣向井再拜水泉奔出恭親挽龍楊



示之 寰宇記曰蘇耽漢時人事母以孝聞一日謂母

曰仙道已成上帝來召又云明年大疫取庭前井水橘

葉救之母果活百餘人今橘井在郴州 抱朴子曰臨

沅縣有廖氏家世世壽考後子孫徙去轉多夭折他人

居其故宅復累世壽考乃試掘井左右得古人埋丹砂

數十斛去數尺此丹砂汁因泉漸入井是以飲其水而

得壽 原異苑曰臨邛有火井漢室之隆則炎赫彌熾

暨桓靈之際火勢漸微諸葛亮一瞰而更盛至景曜元

年人以燭投即滅其年蜀并於魏 增郡國志曰喬井  
在安慶府潛山縣隔皖水一里漢末喬玄居此玄二女  
國色孫策克皖城納大喬周瑜納小喬後人於其居起  
亭曰秀英傍有喬井相傳汲其水恒有臙脂色 原潯

陽記曰湓城灌嬰所築孫權經此城自標井地令人掘  
之得故井銘曰穎陰侯所開卜云三百年當塞塞後不  
滿百年當為應運者所開權忻悅以為已瑞井甚深大  
江中風浪此井輒動 增魏略曰明帝九龍殿前為玉

井綺欄蟾蜍含受神龍吐水 嶺表異錄曰綠珠井在

廣西白州雙角山下昔梁氏之女有容色石季倫為採  
訪使以真珠三斛買之耆老傳云飲此水者誕女必多  
美麗閭里以美色無益於時遂以巨石鎮之爾後產雖  
端嚴而七竅四體多不完具 晉書云元帝大興初會

稽人於井中得一鐘上有古文十八字王者之作必有  
靈符 地志曰晉旌陽令許遜嘗煉丹於艾城之黃龍  
山有蛟魅作水漂丹室遜釘之石壁又海昏有巨虵據

山為穴吐氣為雲遜法北斗七星每穴置一靖井鎮之  
北征記曰桓溫鑿九井于當塗陽山之南殷仲文從  
桓公九日遊九井賦詩 異苑曰謝晦宅南路上有古  
井元嘉二年汲者忽見三龍甚分明行道往觀莫不嗟  
異有人入井始知是塼隱起作龍形 齊春秋曰南齊  
時荊州城東天子井出錦于時士女取用與常錦不異  
經月乃歇 南史曰梁何遠為武昌太守武昌俗皆汲  
江水盛夏遠患水温每以錢買人井寒水不取錢者則

拽水還之

舊經云廣城水多鹹鹵蕭梁時達磨祖師

指此地有黃金民爭挖之數丈遇石穴泉水迸湧而無

金人以師誑語師曰是金非可以斤兩計者也今不知

所在或疑即越臺井 異苑曰吳興長興廣惠寺左有

五井晉永嘉中邑人陳氏所穿陳武帝初生其一井泉

湧出家人汲以浴之後相傳謂之聖井 地志曰景陽

井在臺城內一名胭脂井陳後主與張麗華孔貴嬪投

入避隋兵後名辱井 北史曰房豹字仲幹遷樂陵太

守風教脩理稱為美政郡瀕海水味多鹹豹命鑿一井  
遂得甘泉遐邇以為政化所致豹罷歸後井味復鹹

舊唐書曰建中時韓滉為潤州刺史淫帥之亂德宗出  
幸滉恐有永嘉渡江之事置館第數十於石頭城以為  
備預城中穿井十丈近百所下與江平令丘泚督其役  
先賢丘墓多令毀廢鄴侯家傳云杭州舊取陂湖貯  
水地暑多瘡痢乃深穿陰溝引錢塘湖水於郭內穿六  
井也六井覆以大屋皆得寒泉有餘則洩之於官河民



史補曰善和坊舊御井故老云非可飲之井地卑水柔  
宜用濯開元中以駱駝馱入大內以給六宮 唐統紀

曰穆宗有事於南郊將謁太清宮長安縣主簿鄭翦主  
役見白衣老人云此下有井正值皇帝過路罪在不測  
翦懼使脩之其處已陷數尺發之則古井也帝至宮朝  
獻畢命翰林學士韋處厚撰記起居郎柳公權書於寶  
井之上名曰聖瑞感應紀仍賜鄭緋衣 南部新書曰  
白樂天之母因看花墜井後有排擯者以賞花新井之



作左遷穆帝嘗題柱曰此人一生爭得水喫 五代史  
補曰高郁起於行陣為楚馬殷謀臣貪而且僭嘗以所  
居之井不甚清澈思所以澄汰之乃用銀葉護井其四  
方內外皆然謂之拓裏 霸州志曰護城井舊傳七十

有二宋將楊延朗所鑿每值隆冬甲士汲水灌城寇疑  
不敢入因名護城井 廣州志曰曾井在潮州漢時縣  
令曾芳因民苦瘴給藥來者接踵乃以大囊藥投井中  
令民汲水飲之宋皇祐間狄青征儂智高經此軍士疾

癘禱於井飲泉盡愈旋師首以為言仁宗降制封芳忠孝公且賜飛白書曾氏忠孝泉五字旌之 侯鯖錄曰

宋時雍丘菜園人浚井得石刻銘云漢代功臣銘隱在秦城井得到靖康春方顯千歲景甕下有甘泉能療千年病 秦觀記曰龍井在浙江杭州府西湖上僧辯才結亭於此率其徒環而呪之忽見大魚自泉躍出 益州談資曰薛濤井在成都錦江南岸明代屬藩邸環以欄盾崙備製箋每歲三月三日汲井水造箋二十四幅

入貢一十六幅留藩邸至餽遺遠近縉紳皆他日倣造

蜀錦舊有十樣

### 井三

原金瓶

瑤甕

上見淮南王古舞曲  
下見郭璞井賦

玉檻

球欄

上見

崑崙墟

王廙

洛都賦曰玉井球

綺欄

玉甃

上見魏明

欄巖若積霜

正殿雙翼是曰雨堂

帝九龍殿

下

玉羊

金鳥

上詳魯哀公穿井

劉

見江適井賦

下

玉羊

金鳥

敬叔異苑曰蘭陵華山

上井鳥巢其中金喙

谷鮒

埧鼃

易井谷射鮒言井上汲而下注如谷

黑色此鳥見則大水

水鮒小魚也

下埧

無禽

有魚

易舊井无禽見前

井之鼃見前莊子

有魚似

蟲出流

桐生

桃落

井枝葉自相加通泉浸其根玄

雲潤其柯

師曠問天老曰人家

投轄

潛鼎

漢書

忌井上種桃花落井中為不祥

每大飲取客車轄投井中

孔融告昌安縣教曰邑人

高幼自言辟得井中鼎夫鼎久潛於井德之休明雖小

重也黃耳金鉉利貞之象國遭

投壘

得鐘

張勃吳

凶荒彘器出或者明以饗人

漢黃門張讓等劫天子比至河上掌壘投井及平頓洛

陽城南甄宮有井五色氣出孫堅命浚井得漢傳國璽

臧榮緒晉書曰晉王將即祚郭璞占得豫之睽案卦

會稽郡當出鐘應在人家井得之後會稽刺縣人陳清

在井中得一鐘

負缶

抱甕

劉向說苑曰衛有五丈

形製尤精也

夫負缶入井灌韭終日

一區鄧析過下車教為機重後輕前終日溉百區五丈

夫曰吾聞師言有機智之巧必有機智之心我不為也

見井一 下莊子

八家

二舍

上詳水一

墨子

得銅

置器

龐儉父先逃走隨母流蕩後居鄉里鑿井得銅遂致富奴蒼曰堂上我婦也問其故奴曰我婦姓父

字阿宏足下有黑子腋下有痣母曰我翁也遂為夫妻時人曰鑿井得銅買奴得翁高士傳管寧所居屯落會汲者或男女錯雜或爭井寧乃多買器分置井傍汲以待之又使不知來者得之乃不鬪訟柴覆

錢飛

上見管子葛仙翁投錢於井呪則飛出

白石

丹砂

王莽傳謝器奏武功

長孟通浚井得白石

辨義

愈疾

易井以辨義疾見前蘇耽橘井愈

丹砂見廖氏井

勿幕

不唾

易井收勿幕見前語云千里不唾井

不改

自開

邑不改

改井見前梁巴郡地自開成井

增紀聖

通仙

唐柳公權書聖瑞感應紀于井上見

前井二 益州嚴貞觀通

仙井通君平宅井亦見前

置七靖井以鎮

妖穴並見前

紫沫

紅光

望江縣菩提寺有司馬龍井嘗有紫沫浮井上

識者云此龍涎也

左慈井在廬江縣南相傳慈嘗

置丹一粒於井中宋政和間每清夜輒有紅光燭天

應潮

鎮石

金陵鍾山頭陀寺第一峰有應潮井其泉與江潮盈縮相應故名下見前綠珠井

寶公

玉女

寶誌公井在上元縣大市街心宋曾極詩塵容俗狀慙窺影欲汲寒泉洗此心

玉女井在高郵治西南東齊鄭

彭祖

崔婆

上井在徐

道光與其女居井傍煉丹故名

州城西北隅彭祖舊宅宋陳靖作彭祖

觀井圖銘

下井在衡州府西崔婆宅

療橘

瀉莖

上見前蘇耽事

金陵記江南計吏止於傳舍及將就

路以馬踐草瀉井中謂已不復再過不久復由此飲遂

為昔時莖刺喉而死後人以  
此為戒曰千里井不瀉莖

洗藥

煉丹

長沙府有洗藥井相

傳孫思邈濯丹之所  
下見秦少游龍井記

繪藻

汰粉

上見前藻井廣志云臨邛有粉井

得其水以汰  
粉則益光

胭脂

琉璃

景陽井一名胭脂井見前琉璃井在潁州治東南

井底有青石八片  
光瑩如琉璃故名

飲喬

浴卓

上詳喬井下詳丈君井

鳩飛

龍見

鳩出井中漢高祖事  
井中漢惠帝時事並見井二

龍見

雲母

魚爺

二井

名並見  
前敘

目智

悲廢

目于智井見前左傳  
梁范雲有悲廢井詩

原老子

廟神農社

老子廟前有九井見前  
育九井自穿在隨州厲鄉邨即以此為神

神農既

農社土人歲祀  
之見荊州記

重華窘

漢祖厄

並見前

伯益作

耿恭拜

並見前井二

羸瓶覆

短綆汲

羸瓶未出井而鈎

儒效短綆不

泥不食

甘先竭

上見易又莊子孔子圍於陳蔡太

可以汲深井

公往弔之曰子幾乎

增演八卦

運五材

並見江

直木先伐甘泉先竭

仰東宿

倚崇丘

井象東井孫楚賦倚崇丘以鑿井

藉絲沈

梧花

落

李賀詩玉嬰汲水桐花井倩絲沈水如雲影許彥周言嘉祐時河濱人網得一石刻詩曰井梧花落盡

一半在

景陽辱

泰岱香

景陽辱井泰山有三廟廟前各井皆香並見前

銀床

賈傅穿

東坡鑿

上見井二東坡井在廣州元妙觀之西東坡寓居所鑿鑿井得一

石如龜名龜鼎

濯嬰銘

鮑照謎

上見井二鮑照井謎曰一八四八飛泉仰流蓋合



則五八五八四十  
也四十為井字

廖氏譜

白家詩

廖氏譜見前丹砂井白香山

以賞花新井詩

原銅人掩泉

蟾蜍含水

南康記云雪都盤固

左遷詳井二

山其峰有井大銅人常守之

五十年一涌水起數十丈銅人每以手掩之下詳魏明帝九龍殿井

金

墉祖築

鬱林司命

水經注云南鄭大城內有小城環帶金墉有七十井皆漢高祖所脩

築鬱林郡有

豫章洪崖

華林續石

豫章記云厭原山有洪井

司命井見前

飛流懸注其深無底舊說洪崖先生井也

水經注云華林園中有古井悉以珉玉為之續石為口工作精密

增投轄留客

移書諭神

陳遵事韓朝宗事並見前

埋砂致

壽得錢展業

上見井二于井中得錢

上黨鮑陸業遂大展

織女縑絲

金人撞杵

秦州西溪鎮有縲絲井世傳漢董永寓居於此井即天女所以縲絲者益陽縣有平岡

岡上有金井數百所相傳有金人以杵撞地而成

淮南銀牀

河間金罐

上見

井二河間王琛置玉井用金罐

秦以鑿冰

蜀須取火

冰井火井並見前敘

軒轅百見

孔明一窺

並見井二

真珠三斛

彩箋十

樣綠珠井

薛濤井並見前

善和坊駝馱水

太極殿龍獅負

山俱見前敘

廬陵之瑞空存二色之名

邛邑之光還起

一窺之燄

事俱見前

井四

原鑿而飲

見擊壤歌

不可陷

論語井有人焉君子可逝也不可陷也

塞

堙

左傳並見前

掘不及泉

孟子譬如掘井九仞而不及泉猶為棄井

增濁洿

爾雅井一有水一無水為濁洿

原未為損未為益

終日汲引未為損終日泉注未為益

北宮井溢

漢書元帝時謠曰井水溢滅竈煙灌玉堂流金門至成帝時北宮井泉溢王莽之徵

也

增井底蛙

後漢書隗囂使馬援往視公孫述于蜀還謂囂曰子陽井底蛙耳

惡

飲牛

東觀漢記淳于恭有井鄉里小兒爭飲牛恭惡之多置水器汲水滿之

棄之不義

後漢書華歆避董卓之亂遇一丈夫願得俱此人中道墜井衆欲棄之歆曰棄之不義遂相率出之而別

原杞園出雲

孫堅討董卓至杞園井出五色雲

陵雲擲石

朱超石與兄書云陵

雲臺上有奇井望之幽然  
以一石子擲之久方有聲

增恬退無競

晉書阮瞻嘗羣行冒熱渴

甚有井衆競趨之瞻獨逡巡在後  
俟飲者畢乃進其恬退無競如此

原玉溝蒙

靈井

夏涼

風土記云靈井謂冬溫夏涼石包也

銀井

玉井

蔡誕曰仙人有玉井

增

金繩五色

伽藍記河間王琛井置金罐以金五色續為繩

胭脂痕

景陽井舊傳欄有石

脉以帛拭之作胭脂痕故一名胭脂井

楚俗佻薄

舊唐書李皋為荆南節度使楚俗佻薄不

穿井飲泉始命合錢開井以便居人

出多出少

元和志漢耿恭故井久而有靈車馬大至即出

多小至即出少李嗣業鎮疎勒井涸禱之復出

一室七井

雲林異景志霍仙鳴在龍門一室之

中開七井夏月坐其上不知有暑氣

非天小也

韓愈文坐井觀天曰天小者非天小也

所見不過數星

同上自井中視星所見不過數星

原凍銀牀

杜甫詩露井凍

銀牀 增漱寒齒

柳宗元詩汲井漱寒齒清心拂塵服

梅檀作欄

西吳記吳興餘

不鄉刺史沈子真宅有井放出毫光八道遂捨宅為八聖寺此梁天監五年事及吳越王鏐嘗病目取此井水

洗之即愈因賜旃檀香木為作井欄

斗水寬百憂

蘇軾詩雲安市無井斗水寬百憂

美女吹簫

白澤圖故井之精名觀狀如美女好吹簫以其名呼之即去一云井鬼名瓊

井五

原詩梁范雲悲廢井詩曰因舊未嘗改緣甘故先竭歷稔久無禽一朝見開滯泌泉既斯涌短綆將焉設已獲

丁氏利方見管公縹 又詠井詩曰乃鑒長秋曲有浚

廣庭前即源以為浪因方自成圓兼冬積溫水疊暑泌

寒泉不甘應未竭既涸斷來翔 梁湯僧濟渫井得金

釵詩曰昔日倡家女摘花露井邊摘花還自插照井還

自憐窺窺終不罷笑笑自成妍寶釵于此落從來非一

年翠羽成泥去金色尚如鮮此人今不在此物今空傳

後周宗懔麟趾殿詠新井詩曰當為醴泉出先令浪

井開銅新九龍殿石勝凌雲臺 鄭翼過嚴君平古井

詩曰嚴平本高尚遠蹈古人風賣卜成都市流名大漢  
中舊井改人世寒泉久不通年多既罷漂無禽乃遂空  
如何屬秋氣唯見落雙桐 蘇味道詠井詩曰玲瓏映

玉檻澄澈瀉銀牀流聲集孔雀帶影出羴羊桐落秋蛙  
散桃舒春錦芳帝力終何有機心庶此忘 增唐李嶠

詠井詩曰玉甃談仙客銅臺賞魏君蜀都宵映火杞國  
旦生雲向日蓮花淨含風李樹薰已開千里國還聚五  
星文 唐杜甫鹽井詩曰鹵中草木白青者官鹽煙官

作既有程煮鹽煙在川汲井歲掇掇出車日連連自公  
斗三百轉致斛六千君子慎止足小人苦喧闐我何良  
歎嗟物理固自然 唐孫欣奉試冷井詩曰仙闈井初  
鑿靈液沁成泉色湛青苔裏寒凝紫綆邊銅瓶向影落  
玉甃挹虛圓永願調神鼎堯時泰萬年 唐高適同朱  
五題盧使君義井詩曰高義唯良牧深仁自下車寧知  
鑿井處還是飲冰餘地即泉源久人當汲引初體清能  
鑒物色洞每含虛上善滋來往中和泱里閭濟時應未



竭懷惠復何如 唐李頎長壽寺梁公院新甃井詩曰

僧房來往久露井每同觀白石抱新甃蒼苔依舊欄空

瓶宛轉下長綆轆轤盤境界因心淨泉源見底寒鐘鳴

時灌頂對此日閑安 宋王安石九鼎井詩曰沿崖涉

澗三十里高下聲確無人耕捫蘿挽蒿到山趾仰見吹

瀉何崢嶸餘聲投林欲風雨未勢卷土猶溪阮飛蟲凌

競走獸慄霜雪夏落雷冬鳴野人往往見神物鱗甲漠

漠雲隨行我來立久無所得空數石上菖蒲生中官繫

龍沈玉冊小吏磔狗澆銀觥地形偶爾藏險怪天意未

必司陰晴山川在理有崩竭丘壑自古相虛盈誰能保

此千世後天柱不折泉常傾 宋朱子井泉詩曰山高

澤氣通石竇飛靈液默料谷中雲多應從此出 宋范

成大胭脂井詩曰昭光殿下起樓臺拌得山河付酒盃

春色已從金井去月華空上石頭來 宋樓鑰游龍井

詩曰路入風篁上翠微老龍蟠井四山圍水真綠淨不

可唾魚若空行無所依勝處雖多終莫及舊游誰在事

皆非祇今匏繫無由到徒羨聯鑣帶月歸 明高啓吳

王井詩曰曾開鑒影照宮娃玉手牽絲帶露華今日空

山僧自汲一瓶寒供佛前花 又冰壺井詩曰圓瓠夏

生冰光涵數星冷窓有定中僧休牽轆轤綆 明鄭義

夫梧井詩曰百尺青梧桐下有寒泉井分明古鏡中照

見梧桐影朝汲水花清暮汲水花冷願得沆瀣盃遠寄

蓬山頂 明陶望齡白龍井詩曰招提萬山裏門與蒼

崖對嘗聞白龍井竄出清溪外沿洄未覺遠忽抵前山

背半壁仙屋深迴峰洞門礧奇巖互傾仄飛溜各形態  
厓松老將化石筍看來大磐谷戴土耕寒苗接流漑蹊  
幽生晚畏逕轉添新愛已謂人境窮薦與村翁會息肩  
支短策洗足坐鳴瀨但見玄髮垂安能辨年輩因知雲  
霧間神仙宛焉在

原賦晉孫楚賦曰倚崇丘以鑿井兮臨斥澤之淫洿若  
行潦之滓濁兮靡清流以自娛乃喟爾而有感兮率隣  
左之數夫脉厥土以興泉兮登甘醴於玄虛體象圓川

下貫五仞幽泉騰涌津澤傍潤抱甕而汲不設機引絕  
彼淫飾安此樸慎俗尚其華我篤其信既處湮而不溜  
又磨之而不磷雖矢志而無妄實游心於大順渴人來  
翔行旅是賴輟耕息肩不期而會沈黃李浮朱柰雜狸  
首之斑如飛清塵以洮汰枕玄石以盥漱喜遨怡以緩  
帶晉郭璞井賦曰益作井龍登天鑿后土洞黃泉潛  
源洊臻滴滴涓涓幽溟圓渟潏洞深玄爾乃冠玉檻甃  
鱗錯鼓輶輶彈勁索飛輕裾之繽紛手爭驚而互搦長

累蜚虵以曾縈兮瑤甕龍騰而灑激乃回澄以靜映狀  
同然而鏡灼挹之不損停之不溢莫察其源動而愈出  
信潤下而德施壯邑移以不改獨星陳於丘墟兮越百  
代而猶在守虛靜以元澹兮不東流而注海氣霧集以  
杳冥兮聲雷駭而澎湃 晉江道井賦曰惟大朴之既  
判兮聖應務以表靈演八卦以極用兮運五材以贊生  
鑽丹暉於金石兮引黃泉乎杳冥巽下火而鼎立兮木  
上水而井成於是大制既契物遵其徼阡達辰分廬宅

星列修家給之永用鑿階庭而制穴穿重壤之十仞兮  
搆玉甃之百節營之不日既汲既漂潛流炤炤寒泉冽  
冽挹之不損溜之不充納而不處其有與而不匱其豐  
先王借象以辨義君子擬淡以自綏神龍來蟠以育鱗  
列仙一漱而雲飛含七德以幾道兮盡衆善而莫伐  
晉王彪之井賦曰考五材之物化寂寞感而資靜水帶  
地而壤潤月流天而宵烱燧鑽木而發火益穿坤而搆  
井摹元義之靈爻仰東宿之飛景步土脉測水泉方欄

結轆轤懸下沈瓶而互汲飛纖縷而幽牽於是香黃壚  
之邃鮮潤下之潔澄瀾恬以清渟泓冷朗以寥戾協太  
陰以化液體上善以流惠 增王起浪井賦曰爾其研  
豁百尋之表洶湧重泉之下狀靈濤之潛洩匪冽風之  
是假淪連不盈觸搏恒驚窺坎塹之底有江湖之情積  
而有潤於下混而不傷其清窺則澄澄乍玉甃而同色  
汲之浩浩激銀瓶而有聲鮒飛鱗而不定羊在缶而皆  
傾洎夫列宿參差曉月韜映搖珠彩而增潔湧金波而



轉淨湯湯下激不施屏翳之功洶洶潛驚詎假陽春之  
詠然後駭四海之目垂兆人之慶伊厚地之發祥實大  
君之作聖彼青桐素綆之飾玉欄銀牀之盛皆人力之  
所成固神造之不競宜乎光瑞典苞坎德不藏于冰不  
蓄於墨惟波獨湧惟潔可食奉我皇之飲俾上善以為  
心戒我皇之窺必臨深以取則 呂令則義井賦曰地  
接一都之會邑居狹俗之境川流雨驟車馬於焉往來  
風舉雲搖帝王由茲行幸魏主罷指梅之策隰朋息尋

蟻之請豈非人有其願地不藏靈色湛湛以天碧巖陰  
陰而晝冥高風始秋泛落桐之一葉太陽既沒映長天  
之數星因注水而暫益縱改邑而常寧素綆下懸映垂  
冰之晶晶銅瓶上汲滴淺溜之泠泠清泉既汲白日可  
見豈獨兼濟行李抑亦取給茲縣隨所求而皆足豈有  
殊於貴賤

原頌宋孔寧子井頌曰天高聽卑載厚流謙揮鋒既擊  
跪拜亦霑惟益有作德遠事兼明王用汲人具爾瞻

原贊晉卞敬宗溝井贊曰爰有邃井列彼下泉引流重  
壤合耀青天蘊甘澄潔湛爾終年圖象懷惻寄旨嘉荃  
增晉許遜七靖井贊曰海昏之地府實當陽南昌之  
州龍安之場上繚艾縣古城之岡地連蛇穴浸截川江  
愛其地土防民之殃于今立靖萬古吉祥

原銘後漢李尤井銘曰井之所尚寒泉冽清法律取象  
不槩自平多取不損少汲不盈執憲若斯何有邪傾  
增唐柳宗元柳州井銘曰盈以其神其來不窮惠我後

之人噫疇肯似于政其來日新

增序唐柳宗元柳州井序曰始州之人各以甕甌負江

水莫克井飲

甕音鸛甌五計切

甕瓶類大腹

崖岸峻

厚旱則水益遠人陟降大艱雨多塗則滑而顛恒為咨

嗟怨惑訛言終不能就元和十一年三月朔命為井城

北隍上未晦果寒食冽而多泉邑人以灌其土堅垧其

利悠久

垧巨至切  
堅土也

其相者浮圖譚康諸軍事牙將米景

鑿者蔣晏凡用罰布六千三百役庸三十六大甌千七

百其深八尋有二尺


增記唐賈耽八角井記曰蒲城控白馬之津邇斥鹵之  
溢里居者井無良焉相地宜視水脉因便道求美泉得  
之於城濠之右遂成八角合為一甃 宋秦觀杭州龍  
井記曰龍井即舊龍泓距錢塘十里吳赤烏中方士葛  
洪煉丹於此當風篁嶺之上實深山亂石中之泉也相  
傳有龍居之故曰龍井 邵真義井記曰義以發衷形  
外昭施物也井以下汲上導彰濟人也河間公鑿井於

城垣之次陽門通莊之右偏署曰義正哉導之深源經以善利庇彼邃宇達於交衢鐵其瓶以永不羸石其甃以給無泥飛輪周散泄竇前注淬而平之隨用不私主發生以流潤當赫曦以伏炎在搖落而激清抵凝沍而不閉環四序以一其惠俾憧憧者知飲濯所向焉昏者得以陶盪瘵者由之蠲愈滌汰氛坭沃洒蒸灼澹然不改與地配久化囂闌為閒敞隣梵宮以清淨修廊對開連樓鬱峙指心而授應日而就彼豐福吉祿繁榮重慶

欲不萃於河間之門得乎

增文唐杜牧塞廢井文曰井廢輒不塞於古無所據今之州府廳事有井廢不塞居第在堂上有井廢亦不塞或匣而護之或橫木以土覆之至有歲久木朽陷人以致於死夫井雖列在五祀在都邑中物之小者也若盤庚五遷其都社稷宗廟尚毀其舊而獨井不可塞耶古者井田九頃八家環而居之一夫食一頃中一頃樹蔬鑿井而八家共汲之所以藉齊民而重洩地氣古者八

家共一井今家有一井或大家至於四五井十倍於古  
地氣漏泄則所產脆薄人生於地內今之人不若古之  
人渾剛堅一寧不由地氣泄漏哉易曰改邑不改井此  
取象言安也非井不可塞也



御定淵鑑類函卷三十四



# 欽定四庫全書

子部

御定淵鑑類函卷三十五

詳校官宗人府府丞<sub>臣</sub>實光鼎

主事臣祁韻士覆勘

欽定四庫全書

御定淵鑑類函卷三十五

地部十三

津渡附渠

隄附

津一

渡附

原說文曰津水渡也濮小津也

增爾雅曰析木謂之

津杜預曰箕斗之間有天漢故曰津

津二

渡附

增呂氏春秋曰禹東至搏木之地日出九津青羗之野

鳥谷青丘之鄉南至沸水漂漂九陽之山西至飲露吸  
氣之民積金之山北至夏海之窮衡山之上積水積石  
之山不有懈隨 水經注曰呂望老而無遇行年五十  
賣食棘津七十則屠牛朝歌九十身為帝師 原續漢  
志曰河東大陽縣有茅津北屈縣有採桑津按茅津秦  
穆公伐晉常渡此 論語曰長沮桀溺耦而耕孔子過  
之使子路問津焉長沮曰夫執輿者為誰子路曰孔丘  
曰是知津矣 增孔子家語曰楚昭王渡江有物來觸

王舟舟人取之以獻於王羣臣莫有識者王使聘魯問  
孔子曰萍實也剖而食之可以霸昭王復令使者問何  
以知之孔子曰丘昔之鄭過陳聞童謠云楚王渡江得  
萍實大如斗赤如日剖而食之甜如蜜是以知之今名  
香水渡在袁州府萍鄉縣 吳越春秋曰子胥至昭關

關吏欲執之子胥詐曰上所以索我者美珠也今珠已  
亡矣將往取之關吏不敢執追者在後幾及至江岸得  
漁父乘舟渡之乃免 水經注曰曹州離狐縣有延津

澹臺子羽投壁斷蛟處 原列女傳曰趙簡子南擊楚  
津吏醉卧不能渡簡子召欲殺之津吏女子持楫而前  
曰妾父聞君東渡不測之水恐風波之起故禱九江三  
淮之神不勝巫祝杯酌餘瀝醉至於此妾願以鄙軀易  
父之死簡子將渡少一人乃備員持楫遂與渡中流發  
河激之歌簡子悅以為夫人 增吳越春秋曰勾踐入  
吳吳王赦之歸國范蠡執御至三津之上仰天長嘆淚  
下沾襟曰嗟乎孤之屯厄誰念復生渡此津也 潛確

類書曰罌浮渡在邵陽黃河之側昔韓信設疑兵於此  
誑魏王豹以木罌渡者 水經注曰漢武微行柏谷遇  
辱竇門又感其妻深識之饋既返玉階厚賞賚焉賜以  
河津令其鬻渡今竇津者是也 又曰雲中定襄之間

有津曰君子津漢桓帝十三年西幸榆中東行代地洛  
陽大賈齋金貨隨帝後行夜迷失道往投津長賈人死  
津長埋之其子尋求父喪發塚舉尸資費一無所損其  
子悉以金與之津長不受事聞於帝曰君子也即名其

津為君子津

又曰白馬縣有白馬津因山上常有白

馬羣行悲鳴則河決馳走則山崩

潛確類書曰危渡

在真定府深州漢光武南奔至滹沱冰合軍渡未畢冰

忽解因名

郡國志曰陝州平陸縣小平津張讓劫獻

帝處

晉書曰雷煥卒子華為州從事持劍行經延平

津忽於腰間躍出隕水使人沒水取之不見劍但見兩

龍各長數丈蟠縈有文章沒者懼而返

潛確類書曰

五馬渡在江寧縣幕府山前晉元帝與諸王渡江處童

謠云五馬浮渡江一馬化為龍 又曰麾扇渡在江南

江寧府治南一名毛公渡晉陳敏據建業軍臨大航岸  
顧榮以白羽扇麾之其軍遂潰因名令為瓦屑壩 又

云桃葉渡在上元縣秦淮河口王獻之愛妾名桃葉嘗  
渡此獻之作歌送之曰桃葉復桃葉渡江不用楫但渡  
無所苦我自迎接汝 酉陽雜俎曰晉太始中劉伯玉  
妻段氏性妬忌伯玉嘗誦洛神賦語其妻曰娶婦得如  
此吾無憾焉妻曰君何與水神善而欲輕我吾死何愁



不為水神其夜乃自沈而死死後七日託夢語伯玉曰  
吾今得為神也伯玉遂終身不復渡水有婦人渡此津  
者皆壞衣枉妝然後敢濟不爾風波暴發醜婦雖妝飾  
而渡其神亦不妬也故齊人語曰欲求好婦立在津口  
婦立水傍好醜自彰 十六國春秋曰慕容德自鄴率  
衆南徙滑臺既無舟楫而流澌冰合于夜中濟訖旦而  
冰泮燕民神之因謂是處為天橋津 揮麈後錄曰建  
炎初六飛南渡百僚竄身揚子江津舟人乘時射利是

時葉宗諤逃難至江許實不攜一錢忽覩婦人美而艷  
語葉云妾有金釵二隻可付以濟公幸負我以趨葉從  
之甫扣船舷失手婦人墜水而沒葉獨得逃生悵然葉  
後以直龍圖閣帥建康其家影堂中設位云揚子江頭  
婦人豈鬼神託此以全其命乎

津三 渡附

原因河

涉川

因河為津  
易利涉大川

亂流

畫水

崔豹古今注  
津吏霍里

子高見白首征夫被髮提壺亂流而渡其妻止之不及  
遂溺而死妻乃援塋篋作公無渡河之曲歌終亦投河

而死 吳猛羽

木嬰

羽扇

韓信擊魏陳船欲渡臨

扇畫水而渡

嬰渡軍虜魏王

晉顧榮以白羽

必笑

善游

傳曰

扇麾陳敏軍自潰

因名白羽渡

必笑 文子曰

負石

試船

韓詩曰申屠狄非其世

善游者必溺

杜敬伯為僕射受詔作御樓船

川游

水禁

周禮禁

於陶河試船遇漂沒帝為流涕

備沈溺也又禮記曰舟而不

嫂溺

女投

孟子曰嫂

游水中害人之境則禁之

手者權也嫂溺不援是豺狼也

會稽錄曰曹娥父投

江其屍不獲乃沿江號哭七日不絕聲乃自投江三日

抱父屍俱出皆死家人收葬之

雷煥佩劍

陳平刺

為立孝女碑即黃絹之碑也

船雷煥事見前陳平渡河舟人

溺海銜石

沈湘

船有金玉乃脫衣與刺船自免

懷沙

山海經精衛本赤帝之女游於東海溺而不返化為冤禽詳海屈原既放臨淵有懷沙之志遂投

湘江汨羅而死

問諸水濱

葬於魚腹

齊桓責楚曰昭王南征而不復寡人是問

屈原曰昭王不復君其問諸水濱楚辭屈原曰寧赴湘流葬於魚腹中

忘子產之誠既

聞狎而玩之

棄仲尼之言果見蹈而死者

子產曰水懦弱人狎

而玩之孔子曰水火吾見蹈而死者未見蹈仁而死也

津四

渡附

溺附

原飛

吳主曰北來諸軍乃飛渡也

礮

操舟礮渡利供百口列子

褰裳涉溱

脫輓濟洧

子產

漸裳濡軌

深厲淺揭

楊柳津

白

馬津

孟津

書惟十有三年戊午師渡孟津

不弔

禮死而不弔者三畏壓溺溺憑河也

無悔

暴虎馮河死而無悔

債車

左傳鄭伯之車債於濟遇大風飄之入濟也

覆

舟

水所以載舟亦所以覆舟

浮屍

沈骸

辨命論曰伍員浮屍於江流三閭沈骸於湘渚

延壽惡夢

王延壽文考曾有惡夢惡之乃作敘夢賦以自勵後溺水而死

士龍顧

影

陸士龍嘗著綵經上船於水中顧其影因大笑落水人救免溺

增競渡

杜亞拜淮南節度使

方春南民為競渡戲亞欲輕駛乃髹船底使篙人衣油綵衣沒水不濡

夜濟合流

王沛兼御

史中丞李光顏討吳元濟奇沛風緊署行營兵馬使時詔書趣戰諸將觀望沛引兵五千夜濟合流扼賊衝

蒲津

李固言領河中節度使蒲津歲河水壞梁吏撤竿用舟邀巧行人固言至悉除之

津

筏

開張篋中寶自可  
得津筏韓愈詩

通津

浮游靡定處偶  
往即通津同上

漁綠古

津遠

杜牧詩

舟航所聚

崔融稅關市疏天下諸津舟航  
所聚旁通巴漢前指閩越七澤

十數三江五湖控引河洛兼包淮海  
舸巨艦千舳萬艘交貿往還憧憧永日

大津無梁皆

給船人

量其大小難易以定  
其差唐六典水部

渡水並須近江白丁便

水者充

分為五番別一  
替唐六典同上

津五

渡附

原詩魏文帝在孟津詩曰良辰啓初節高會構歡娛清

歌發妙曲樂正奏笙芋曜靈忽西邁炎燭繼望舒翼日

浮黃河長驅旋鄴都 增唐盧照隣九龍津集詩曰落

落樹陰紫澄澄水華碧復有翻飛禽徘徊弋鴟 杜

審言春日江津遊望詩曰旅客搖邊思春江弄晚晴煙

銷垂柳弱霧捲落花輕飛棹乘空下回流向日平鳥啼

移幾處蝶舞亂相迎忽歎人皆濁隄防水至清谷王常

不讓深可戒中盈 駱賓王晚泊蒲類津詩曰二庭歸

望斷萬里客心愁山路猶南屬河源自北流晚風連朔

氣新月照邊秋竈火通軍辟烽煙上戍樓龍庭但苦戰

燕領會封侯莫作蘭山下空令漢國羞 孟浩然與黃

侍御泛北津詩曰津無蛟龍患日夕常安流本欲避驄

馬何知同鷁舟豈依今日幸會是昔年遊莫奏琴中鶴

且隨波上鷗隄緣九里郭山面百城樓自顧躬耕者才

非管樂傳聞君薦草澤從此泛滄洲 杜甫過津口詩

曰南嶽自茲近湘流東逝深和風引桂楫春日漲雲岑

回道過津口而多楓樹林白魚困密網黃鳥喧嘉音物

微限通塞惻隱仁者心甕餘不盡酒膝有無絃琴聖賢



兩寂寞眇眇獨開襟 宋之問入崖口五渡寄李適徐

彥伯詩曰抱琴登絕壑伐木泝清川路極意謂盡勢迴  
趣轉綿人遠草木秀山深雲影鮮余負海嶠情自昔微  
尚然彌曠十餘載今來宛仍前未窺仙源極獨進野人  
船時攀乳竇憩屢薄天窓眠夜絃響松月朝揖弄苔泉  
因冥象外理永謝區中緣碧潭可遺老丹砂堪學仙莫  
使馳光暮空令歸鶴憐 李白早過漆林渡寄萬巨詩  
曰西經大藍山南來漆林渡水色倒空青林煙橫積素

漏流昔吞翁沓浪競奔注潭落天上星龍開水中霧嶢  
巖汪公柵突兀陳焦墓嶺峭紛上千川明屢迴顧因思  
萬夫子解渴同瓊樹何日覩清光相歡詠佳句 杜甫

白沙渡詩曰畏途隨長江渡口下絕岸差池上舟楫窈  
窕入雲漢天寒荒野外日暮中流半我馬向北嘶山猿  
飲相喚水清石礚礚沙白灘漫漫迥然洗愁辛多病一  
踈散高壁抵嶽崙洪濤越凌亂臨風獨回首攬轡復三  
歎 又水會渡詩曰山行有常程中夜尚未安微月沒

已久崖傾路何難大江動我前洶若溟渤寬篙師暗理

楫歌笑輕波瀾霜濃木石滑風急手足寒入舟已千夏

陟巘仍萬盤迴眺積水外始知衆星乾遠遊令人瘦衰

疾慚加餐 王昌齡沙苑南渡頭詩曰秋霧連雲白歸

心浦澈懸津人空守纜邨館復臨川蓬隔蒼茫雨波通

演漾田孤舟未得濟入夢在何年 宋楊萬里楊家渡

詩曰春跡無痕可得尋不將詩眼看春心鶯邊楊柳溪

邊草一日青來一日深 真山民泊白沙渡詩曰日暮

片帆落渡頭生暝煙與鷗分渚泊邀月共船眠燈影漁  
舟外湍聲客枕邊離懷正無奈况復聽啼鶯 明吳浩  
泊瓜洲渡詩曰淮煙漠漠夕陽收楚樹昏昏翳客舟風  
度鐘聲來北固帆將燈影過揚州雲消碧海天無際波  
撼金山地欲浮獨恨壯遊非昔日滿江風露夜如秋

周翼中秋泛舟鷺津詩曰八月十五夜何其鷺湖漾舟  
人未歸水生金浪兼天湧雲渡青冥傍月飛鴻雁沙寒  
微有影菱荷秋冷不成衣故人一去渺何許黃鶴舊磯

今是非 王恭舟次鐔津詩曰木落川氣涼鴻飛水容

夕微燈射遠沙夜榜隣幽石月色棲處寒霜花坐來白

遙見九華峰蒼蒼但蘿薜 史謹桃葉渡詩曰重經古

渡立斜曛愁見桃花兩岸春欲向東風唱桃葉江邊怕

有別離人 沈貞桃花渡詩曰渡頭渾似曲江濱誰種

桃花隔世塵紅雨綠波三月暮暖風黃鳥數聲春舟橫

落日非無主樹隔層霞不見人幾欲前源訪仙跡迷茫

何處問通津 程敏政古箭渡詩曰古箭渡頭春水急

古箭舖下春泥溼風吹一道雨微收黑壓四山雲未入  
郵亭飭罷聞竹雞肩輿扶過蒼崖西行人道側亂相指  
雨陣復來雲脚齊 李言恭曉渡詩曰煙樹曉棲鴉長  
汀帶白沙中流聊擊節新水快浮槎雲與人爭渡春隨  
客到家遙知飛綵日開滿石城花 釋梵琦西津詩曰  
月滿潮來盛天空野望低樹侵吳甸北帆入楚江西俊  
鶻秋方下慈烏曉更啼即看霜露及風景色淒淒  
原銘後漢李尤孟津銘曰洋洋河水赴宗於海經自中

州龍圖所在黃函白神赤符以信昔有周武集會孟津  
魚入王舟乃往克殷

渠一

隄附

增說文曰渠水所居也一曰渠勤也又深廣貌

渠二

隄附

增西征記曰洛陽城外四面有陽渠水周公所制也

原史記曰韓聞秦之好興事欲罷

音疲

之無令東伐乃使

水工鄭國間說秦令鑿涇水自中山西抵瓠口為渠並

北山東注渭三百里欲以溉田中作而覺欲殺鄭國鄭國曰始臣為間然渠成亦秦之利也卒使就渠渠就而用注四萬餘頃收皆畝一鍾於是關中為沃野秦以富強因名曰鄭國渠 漢書曰張掖郡有千金渠 地理

書曰滎陽有浪蕩渠 增輿地廣記曰秦時李冰作石

犀五以厭水精穿石犀渠於南江命曰犀牛里

唐置犀浦縣屬

益州取此為名

水經注曰漢中安陽縣水北有七女池池東

有明月池狀如偃月皆相通注謂之張良渠蓋良所開



也 溝洫志曰宣帝地節中光祿大夫郭昌使行河北  
曲三所水流之勢皆邪直貝丘縣恐水盛隄防不能禁  
迺各更穿渠直東經東郡界中不令北曲渠通利百姓  
安之成帝初清河都尉馮遂言地節時郭昌穿直渠後  
三歲河水更從故第二曲間可六里復南合今其水勢  
復邪直貝丘宜復穿渠東行 又曰待詔賈讓言若多  
穿漕渠於冀州地使民得以溉田分殺水怒恐議者疑  
河大川難禁制滎陽漕渠足以下之其水門但用木與

土耳 王嘉傳曰哀帝為董賢治大第開門鄉北闕引

王渠灌園池注蘇林曰王渠官渠也猶今御溝 溝洫

志曰自鄭國渠起

始皇元年乙卯

至元鼎六年

庚午

百三十六歲

而兒寬為左內史奏請穿鑿六輔渠以益溉鄭國傍高

邛之田 漢書曰召信臣遷南陽太守好為民興利躬

勸耕農出入阡陌令視郡中水泉開通溝瀆起水門提

閘凡數十處以廣溉灌歲歲增加多至三萬頃為民作

均水約束刻石立於田畔以防分爭 後漢書曰樊重

所起廬舍皆有深堂高閣陂渠灌注又池魚牧畜有求

必給 又曰漢司空王梁之為河南也將引穀水以溉

京都渠成而水不流坐免後張純堰洛通漕洛中公私

懷贍是渠今引穀水蓋純之創也亦謂之九曲瀆 何

敞傳曰和帝時為汝南太守修鮑陽舊渠百姓賴其利

墾田增三萬餘頃吏人共刻石頌敞功德 安帝紀曰

元初三年修理太原舊溝渠灌溉官私田注酈元水經

注曰昔智伯遏晉水以灌晉陽後人踵其遺跡蓄以為

洛分為二派北瀆即智氏故渠也其瀆乘高東北注入  
晉陽城以灌漑東南出城注於汾水今所修溝渠即謂  
此洛陽記曰千金竭舊堰穀水魏時更脩此堰積石  
為竭而開溝渠五所謂之五龍渠晉紀曰魏明帝青

龍元年司馬懿穿成國渠築臨晉陂溉田數千頃國以  
充實焉鄧艾傳曰時欲廣田蓄穀使艾行陳穎以東  
至壽春艾為田良水少不足以盡地利宜開河渠可以  
大積軍糧又通軍運之道乃著濟河論以喻其指水

經注曰劉靖碑云劉靖登梁山以觀源流相隈以度形

勢嘉武安之通渠羨秦氏之殷富乃使帳下督丁鴻軍

士千人以嘉平二年立碣於水道高梁河造戾陵碣開

車箱渠 劉雲傳曰隋宇文愷於河陰鞏洛梁公堰廝

河為通濟渠 裴延儁傳曰儁遷幽州刺史范陽郡有

舊督亢渠徑五十里漁陽燕郡有故戾陵諸碣廣袤三

十里表求修復營造溉田百萬餘畝為利十倍百姓賴

之 盧賁傳曰賁為懷州刺史開皇中決沁水東注名

曰利人渠又派入溫縣名曰溫潤渠以溉鵠鹵 會要

曰開元九年李元紘擢京兆少尹詔令疏決三輔渠時  
王公權要之家治渠立碇以治水田元紘一切隳之百  
姓大獲其利 薛大鼎傳曰高宗時為滄州刺史無隸

渠久廩塞大鼎浚治屬之海商賈流行里民歌曰新溝  
道舟楫利屬滄海魚鹽至昔徒行今騁馬羨哉薛公德  
滂被又疏長蘆漳衡三渠泄汙潦水不為害 溫造傳  
以起居舍人出為朗州刺史開後鄉渠百里溉田二千

頃民獲其利號曰右史渠 玉海曰至道元年上問侍

臣汴水疏鑿之由張洎講求其事奏曰惠民金水五丈  
汴水等四渠派引脉分會於天邑舳舻相接贍足京師  
以無匱乏惟汴水橫亘中國首承大河漕引江湖利盡  
南海半天下之賦由此而進大禹疏鑿煬帝開畊終為  
國家用豈天意乎 又曰至和二年襄州宜城令孫永  
治長渠熙寧六年守臣曾鞏著令上司農為記曰秦白  
起攻楚去隰百里立堦壅水為渠以灌隰今長渠是也

酈道元謂溉田三千餘頃蓋水出西山諸谷者其源廣而流於東南者其勢下也 夢溪筆談曰蘇州至崑山

縣凡六十里皆淺水無陸途民頗病涉久欲作長堤但無處求土嘉祐中人有獻計就水中以蘆葦為牆栽兩行相去三尺去牆六丈又為一牆亦如此澆水中淤泥實蘆葦中候乾則以水車畎去兩牆之間舊水牆間六丈皆土留其半以為隄脚掘其半為渠取土以為隄每三四里則為一橋以通南北之水不日隄成至今



為利 又曰熙寧中淮陽界中發汴堤淤田汴水暴至堤防頗壞陷將毀人力不可制都水丞侯叔獻時蒞其役相視其上數十里有一古城急發汴堤注水入古城中下流遂涸急使人治隄陷次日古城中水盈汴流復行而隄陷已完矣徐塞古城所決內外之水平而不流瞬息可塞衆皆伏其機敏 聞見前錄曰元豐七年洛中大雨伊洛漲壞天津橋波浪與上陽宮齊伊洛南北合而為一深丈餘第宅廬舍皆壞唯伊水東渠有積新

塞水口故水不入府第韓康公乃築水南新城新堤明年夏洛水復漲至新城堤下不能入洛人德之夢溪筆談曰錢塘江錢氏時為石堤堤外又植大木十餘行謂之澠柱寶元康定間人有獻議取澠柱可得良材數十萬既而舊木出水皆朽敗不可用而澠柱一空石堤為洪濤所激歲歲摧決又曰杜偉長為轉運使人有獻說自浙江稅場以東移退數里為月堤以避怒水眾水工皆以為便獨一老水工以為不然密諭其黨曰移

堤則歲無水患若曹何所衣食衆人乃從而和之偉長  
不悟費以鉅萬然猶不若滉柱之利也

渠三 隄附

原大防

小決

大為之防 子產曰防人猶川不如小決使導

引河

通運

史記西門豹為鄴令鑿十二渠引河水灌田當時人苦役豹曰百歲後父老子孫思我至今得水利民富足漢長吏以十二渠橋絕馳道相近欲合二渠為一橋父老不肯曰賢君之法式不可改也 魏賈逵字梁道為豫

州通運渠二百里所謂賈侯渠

為井

廣田

嚴熊言臨晉民願穿洛以溉重泉以東萬餘頃

故惡地於是穿渠洛水至商顏下岸善崩往往為井井渠之生自此始穿渠得龍首骨故名龍首渠 倪寬奏

開六輔之渠水  
以廣溉灌田也

股引

派連

股支別引水也

夏禹濬

馬

援穿

禹曰予修濬畎澮距川濬深也距至也深之以通

漢馬援所過郡縣為穿渠灌漑以利

民

後漢王梁字君嚴為河南尹穿

洛陽城下東瀉鞏川

民

瀉鞏川

及渠成開決而水不流有司勅之

書趙中大夫白公引涇水為渠

詳涇

非竊壤可堙

民

瀉鞏川

民

瀉鞏川

民

及渠成開決而水不流有司勅之

詳涇

非竊壤可堙

民

瀉鞏川

民

豈積灰能止

漲桃花之水

決瓠子之河

三月桃花水至

漢武決瓠子河發卒數萬塞之自臨河令

將軍以下皆負薪上悼功不成作瓠子歌

荀月令

不行闕脩利之備

則時雨將降致昏墊之憂

渠四

隄附

原止水

禮曰夫禮之禁亂猶防之止水所自來也故以舊防為無用而壞之者必有水敗以舊禮為無

所用而去之者必有亂患

防水

善防水者使水淫之注淫讀為廐謂水淤泥土留著助為之厚也

置使

晉書都水使者漢之水衡之職東都省都水置河隄使者

障澤

臺駘宣汾洮障大澤

羨溢

漢書河決平原將塞之議者曰水勢各異不博議利害若隄不及冬成春來桃花水盛必羨溢

有填淤反壤之害也

脩利

季春天子命有司曰時雨將降修利隄防

成

河隄使者王延世以

竹落長四丈九尺圍盛以小石兩船夾載下之三十六日河堤成也

壞

漢書河決酸棗壞金隄

增卑培薄

溝洫志曰繕完故堤增卑培薄

大防外殺

謂下厚上薄也

增鑿

渠決河

隋煬帝恃四海之富鑿渠決河自伊洛屬之揚州疲生人之力洩天地之藏中國之難起故宗

廟為墟逆元氣之  
理也陳子昂上言

西苑龍鱗

隋煬帝築西苑其內為  
海十里海北有龍鱗渠

執畚無忤

張志和縣令使浚  
渠執畚無忤色

捍錢塘江

六帖白居易  
易遷為杭

州刺史始築堤捍錢塘  
江鍾洩其水溉田千頃

私錢募治

五代史安彦威徙  
鎮歸德是時河決

滑州命彦威塞之彦  
威出私錢募民治堤

百種香色

金鑾密記翰林有龍  
口渠通內苑大雨之

後必飄諸花榮徑由渠而出有  
百種香色名不可盡春月尤妙

宰相沙堤

唐制宰相  
禮絕班行

拜相日府縣載沙填路自私第  
至子城東街名曰沙堤雜記

徹壅通堙

杜亞拜淮  
南節度使

至則治漕渠引湖陂築防庸入之渠中以通大舟夾  
隄高印田因得溉灌疏起道衢徹壅通堙人皆悅賴

廣漑道

高士廉進益州長史秦時李冰導汶江水灌田  
瀕水者頃千金民相侵冒士廉附故渠廝引旁

出以廣溉道  
人以富饒

興成  
李石奏咸陽令韓遼治興成當咸  
陽右十八里左直永豐倉秦漢故

漕渠城起咸陽抵潼關三百里無車  
輓勞則輓下牛盡可耕永利秦中矣

鑿贛石梗嶮以

通舟道

贛石梗嶮以通舟道

時其鍾洩

高瑀領忠武  
節度使州北

水旱無年瑀相地宜築堤庸百  
八十里時其鍾洩民賴不飢

倡優水戲

黎幹遷京  
兆尹京師

苦樵薪乏幹度開漕渠興南山谷口尾入于苑以便運  
載帝為御安福門觀之幹密具舸船作倡優水戲冀以

媚帝久之  
渠不就

巨渠決太古衆水為長蛇

杜甫柴  
門詩

增石

為防

柳宗元興州江運記  
增石為防膏我稻梁

清渠一邑傳

杜甫  
秦州

十石

壩渠

唐地理志河中府龍門東南二十三里  
渠二十三年縣令長孫恕鑿溉田良沃畝收十石

渠五  
隄附

增詩宋梅堯臣汴渠詩曰我實山野人不識經濟宜聞  
歌汴渠勞謾綴汴渠詩汴水源本清隨分黃河枝濁流  
方已盛清派不可推天王居大梁龍舉雲必隨設無通  
舟航百貨當陸馳人肩牛騾驢定應無完皮苟欲東南  
蘇要省聚斂為兵衛詎能削乃須雄京師今來雖太平  
盡罷未是時願循祖宗規勿益羣息之譬竭兩川賦豈  
由此水施縱有三峽下率皆麓冗資慎莫尤汴渠非渠



取膏脂 石介汴渠詩曰隋帝荒宴遊厚地剗為溝萬

舸東南行四海困橫流義旗舉晉陽錦帆入揚州揚州  
竟不返京邑為墟丘吁哉汴渠水至今病不瘳 孔武

仲堤下詩曰堤下人家喧笑語高揭青帘推瓦鼓黃流  
滾滾經簷甍一任征夫作船苦綠榆覆水平如杯前灣  
旋放水頭來深如怒虎著船底玉石磊砢相喧飈黃河  
雖斷隋渠急舟楫舒遲行旋澀獨上平堤望遠天衣裘  
已畏西風入 孔平仲汴堤行詩曰長堤杳杳如絲直

隱以金椎密無迹當年何人種綠榆千里分陰送行客  
波間交語船上下馬頭一別人南北日輪西入鳥不飛  
從古舟車無斷時 晁補之五丈渠詩曰五丈渠河水  
齧堤三里餘懸流下噴水渤滴訛言相驚有怪物灤東  
漁子浮兩舸清晨徑流雙鬣搖驚人跳起橫觸島大鱗  
十尺長夭矯殺之信宿不敢言並邨稍稍聞者喧伐鱗  
剗肉擔揭去兩日一邨猫犬飫夜來水泛州西原青青  
百頃白波翻里巫推變咎漁子豫且賊神實為此此邦

一年不穀食賣魚取錢當常職聞道相家口津人無敢  
憑大魚死小魚靈

原頌後漢蔡邕京兆樊惠渠頌曰洪範八政一曰食周  
禮十職一曰農生民之本於是乎出豐植財用於是乎  
在陽陵縣東厥地汙泥嘉穀不殖光和五年京兆尹樊  
君勤恤民隱乃命立新渠曩之毒田化為甘壤相與謳  
談斐然成章謂之樊惠渠其歌曰我有長流莫或闕之  
我有溝澮莫有達之田疇斥鹵莫修莫治饑饉困瘁莫

恤莫思

增銘李翱江州南湖堤銘長慶二年十二月江州刺史  
李君濬之截南陂築堤三千五百尺以通四隣之路畜  
水為湖人得其贏李翱銘以紀之辭曰天地作物功或  
不周賢人相之智與神侔潏潏南陂冬乾夏漉九江暴  
漲潮潛逆流東南百民城市所繇水積既深大波其彪  
亦有舟航覆溺之憂擔壅壘路車軻其輶童嬰涕隨老  
婦號愁歷古迨茲孰為甞籌濬之之來養民如身乃築

長堤拒江之瀕厚其錢傭以飽飢人南北東西百里鬪  
臻莫不用力金槌響振虓譙相厲不督而勤堤既成止  
岡聯突起堅若石城障為渚水蒲莞菱芡鴻鴈鱸鯉唯  
其所取或食或祀長堤坦坦植之楊槐架豁飛圯以便  
去來除險作利非賢不能歌示江人式悅汝懷

增判唐南華修河隄不溉田判曰長河千里聖主一清  
漢帝宣防猶負薪於瓠子王尊東郡尚堅立以安人所  
以河公不仁時聞泛濫主司有事每見隄防蓋却略於

石門亦摧殺其水怒傳以客土將全其邑居聚之淇竹  
實拯以昏墊常流不弛於正道泗野寧浮於鬲桑諒巡  
植之為功奚褰帷而始詰必人同鄭白食我京師或且  
溉而有餘何屯膏而不作均夫鄴令招不智於漳河異  
彼武安頓遺利於鄒邑良能沃野義在隨時請據河渠  
之書無違溝洫之志

增記唐柳宗元石渠記曰自渴西南行不能百步得石  
渠民橋其上有泉幽幽然其鳴乍大乍細渠之廣或咫

尺或倍尺其長可十許步其流抵大石伏出其下踰石而往有石泓昌蒲被之青鮮環周又折西行旁陷巖石下北墮小潭潭幅員減百尺清深多鯨魚又北曲行紆餘睨若無窮然卒入於渚其側皆詭石怪木奇卉美箭可列坐而庥焉風搖其顛韻動崖谷視之既靜其聽始遠予從州牧得之攬去翳朽決疏土石既崇而焚既醺而盈惜其未始有傳焉者故累記其所屬遺之其人書之其陽俾後好事者求之得以易元和七年正月八日

蠲渠至大石十月十九日踰石得石泓小潭渠之美於是始窮也

溝洫一

增釋名曰田間之水曰溝溝者構也從橫相交構也

爾雅曰谿注谷曰溝 周禮曰匠人為溝洫九夫為井

井間廣四尺深四尺謂之溝方十里為成成間廣八尺深八尺謂之洫 爾雅曰溝注澮曰瀆 益稷謨曰決九川距

四海濬畝澮距川注九州名川通之至海正義以小注



大故從畎遂溝洫乃以入澮澮入於川川入於海是畎

內之水亦入海也 周禮曰地官遂人掌邦之野

野謂甸稍

縣都凡治野夫間有遂遂上有徑十夫有溝溝上有畛百夫

一鄣之田千夫二鄣之田萬夫四縣之田遂溝洫澮二

尋深二仞徑畛涂道路皆所以通車徒於國都也萬夫

者方三十三里少半里九而方一同以南畝圖之則遂

從溝橫洫從澮橫九澮而川周其外焉 又曰稻人掌

稼下地

以水澤之地種穀

以潴蓄水以防止水以溝蕩水以遂

均水以列舍水

非一道以去水也

以澮寫水以涉揚其芟作田

注偃豬者蓄流水之陂也防豬旁隄也遂田首受水小

溝也列田之畦時也澮田尾去水大溝 又曰冬官匠

人為澮洫

主通利田間之水道

耜廣五寸二耜為耦一耦之伐廣

尺深尺謂之畊田首倍之廣二尺深二尺謂之遂

夫間小溝

九夫為井井間廣四尺深四尺謂之溝方十里為成

間廣八尺深八尺謂之洫方百里為同同間廣二尋深

二仞謂之澮

此畿內采地之制采地制井田

專達於川各載其名

識水所從

出凡天下之地勢兩山之間必有川焉大川之上必有

涂焉凡溝必因水勢防必因地勢善溝者水漱之善防

者水淫之凡溝防必一日先深之以為式

程人功也

里為式

然後可以傳衆力疏六鄉六遂與公邑皆為溝洫法三

等采地乃為井田按遂人則百里之內八十一澮此井

田則一同惟一澮彼遂在夫間故以南畝遂則縱矣此

井田云田首倍之為遂以南畝圖之遂即橫也

遂人溝澮之制

與匠人異遂人言五溝之制而始於遂匠人言五溝之制而始於剛地形有逆順水勢有遲速故遂人之溝

澮疏匠人之溝澮密至于下地又有稻人之法遂人成周之制匠人兼異代之制

又曰夏官

司險設國之五溝注遂溝洫澮川也 又曰掌固脩溝

池渠之固 晏子曰尋常之溝洫巨魚無所還其體而

鯢鮪為之制 孟子曰思天下之民匹夫匹婦有不被

堯舜之澤若已推而內之溝中 水經注曰酒泉延壽

縣南有山石水出處莒地為溝 又曰高唐縣有甘棗

溝水側多棗故俗取名溝焉 崔豹古今注曰羊溝者

言羊喜抵觸垣牆故為溝以隔之 一曰植高楊於其

上故謂之楊溝

溝洫二

增潛確類書曰狼乳溝在陝西西安府邠州即后稷棄而狼乳處 博物志曰徐偃王治其國仁義著聞欲周行上國乃通溝陳蔡之間得朱弓朱矢 傳曰鄭子駟為田洫正封疆而侵四族田子產作封洫 傳曰梁伯好土功乃溝公宮 又曰魯將與齊戰師不踰溝樊遲曰請三刻而踰之衆從之 又哀元年吳城邠溝通江

淮杜預曰於邳江築城穿溝東北通射陽湖西北至渦口入淮通糧道也今廣陵邳江是 國語曰吳王夫差既殺申胥不稔於歲乃起師北征開為深溝通於商魯之間北屬之沂西屬之濟以會晉定公於黃池 潛確類書曰斬蛇溝在江南徐州豐縣即漢高帝斬白蛇處又曰楚迷溝在滁州全椒縣西羽戰北迷路田父給之曰左左乃大澤即此溝距陰陵五里 史記曰漢王四年項羽與漢王約中分天下割鴻溝而西者為漢鴻

溝而東者為楚項羽歸漢王父母妻子軍皆呼萬歲

漢舊儀曰祭四溝用牲 阮勝之記曰吳王濞開茱萸

溝通運至海陵倉北有茱萸邨以邨立名 揚子圖經

曰六合縣東三十里從岱石湖入四里至溝中心與陵

分界案後漢書張綱為廣陵太守濟惠於百姓勤課農

桑於東陵邨東開北溝引湖水灌田以此號為張綱溝

殷氏世傳曰殷袞為滎陽令先多淫雨百姓飢饉君

乃穿渠入河四十餘里疏導原隰用致豐年民賴其利

號曰殷溝而頌之 伏滔北征記曰姑熟西北有甘寧

墓孫皓時占者云墓有王氣皓鑿其後十許里曰直瀆

### 溝洫三

增禹盡

樊踰

論語禹盡力乎溝洫 齊戰樊遲請三刻而踰溝詳見前

左傳魯與

蕩

水達川

周禮以溝蕩水 澮專達於川各載

又曰遂溝洫 其名詳見前

修利

開

通

月令季春之月命司空曰時雨將降下水上騰循行國邑周視原野修利隄防道達溝瀆開通道路毋有

塞障

甘棗

高楊

高唐縣有甘棗溝 植高楊於上也詳俱見前

茱萸

琵琶

茱萸溝在揚州府江都縣東北東過茱萸埭入海 陵縣琵琶溝在河南開封府城南隋煬帝欲幸



江都始鑿此溝即葭蕩渠也

洗馬

顯鐘

洗馬溝在北直順天

府西南相傳光武北巡洗馬於此顯鐘溝在興安州紫陽縣昔溝中流水湧出二鐘一流入均州一流入興

安州今天聖

鴻溝

滌渠

戰國策蘇秦說魏襄王曰大王之地南有鴻溝今在

寺鐘是也

祥符縣即楚漢分界處翟溝一名滌渠在封丘縣南西接黃河支流引瀆東入環帶紫紆澄澈如鑒

堯開

周賜

堯溝在兗州府曹州昔帝堯所開溝也左傳周武王賜太公履北至無埭今有無

埭溝在山東濟南府海豐

酈亭

杜家

潛確類書云酈亭溝在保

縣西北溝東與馬津河合

定府清苑縣即拒馬水也

杜家溝在四川成都府資

縣池水一泓清冷澄澈下即龍泉祠天將雨則雲生竅

穴霧瀾

斗酒別

一葉題

古詩曰今日斗酒別明日

空谷

溝水頭蹠蹠御溝上溝水

東西流 唐詩紀事顧況遊御溝上拾一葉有題詩因  
亦題一絕 置上流明日再遊又拾一葉有詩曰一葉題  
詩出禁城誰人唱和獨含情自嗟  
不及波中葉蕩漾乘春取次行

### 溝洫四

原盡力

禹盡力乎溝洫  
注溝洫亦渠也

掌禁

雍氏掌溝瀆澮池之禁  
凡害於國稼者春令為

所獲溝瀆之利於民者秋令塞阱杜  
獲注害於國稼者謂水滂禽獸也

地防

考工記曰凡  
溝洫逆地防

謂之不行注防猶脉  
理也不行謂決溢也

湍鬲

稍溝三十里而廣倍注謂  
不壅地之溝也鄭司農云

稍讀為桑螵蛸之蛸謂水湍鬲  
溝也故三十里而廣倍稍音消

水庸

禮曰祭防以水  
庸事也注云水

庸溝也

大封

周禮大封之禮令衆也  
注謂正封疆溝塗也

導達

月令三月  
中氣後五

日天子命有司道達溝洫

增勿與戰

武經深溝高壘勿與為戰

錢埒金溝

武王

子買地作埒編錢布地當時號金溝

愚溝

柳文合流屈曲而為愚溝

一心穿地

唐舊

書姜師度有巧思頗知溝洫之利所在必發衆穿鑿雖時有不利而成功亦多先是太史令傅孝忠善占星緯時人語曰傅孝忠兩眼看天姜師度一心穿地

紅葉題詩

于祐得紅葉題詩之句于御溝

通舟楫

薛大鼎民歌曰新溝通舟楫利

月明溝水曉

韓愈詩

溝濁萍

青青

題張十八居詩君居泥溝上溝濁萍青青

木刀溝

唐地理志定州新樂縣有木刀溝有

民木刀居溝旁因名之

溝洫五

增詩宋晁補之魚溝懷家詩曰生涯身事任東西藥笥  
書囊偶自賁柳嫩桑柔鴉欲乳雪消冰動麥初齊沙頭  
晚日檣竿直淮上春風鴈鶩低歸去未應芳物老桃花  
如錦遍松溪 劉克莊豫章溝詩曰溝水泠泠草樹香  
獨穿支徑入垂楊薺花滿地無人見唯有山蜂度短牆

又詩曰野店蕭蕭掩竹門岸沙猶記履綦痕東風狂  
是催花急綠盡平蕪却斷魂 明張羽邳溝詩曰衰楊  
夾高防北風暮颼颼道逢長老問答言是邳溝相傳聞

鑿初民勞天為愁至今濁河底時見白髑髏陸通梁宋  
郊水漕荆吳舟渠成萬世利慮始難為謀至今南北交  
此土為名州飛閣跨通波張幄如雲浮憶昨少年日寶  
馬珊瑚鉤經過劇辛輩結託金張儔醉月瓊花觀徵歌  
明月樓羅綺朝還暮笙芋春復秋繁華逐逝水一往不  
可留向來歌舞地茫然狐兔丘家老無兒孫杖屨驅羊  
牛少小心尚爾不知今白頭欲從亂離訴恐予增離憂  
長揖分袂去零淚如絲流程敏政夾溝道中詩曰獵

獵風帆水滿塘明明春岸柳成行連邨犬不驚薪女傍  
渚鷗全識擢郎官牒聚舟多漕運野田空屋半逃亡推  
蓬不見青山色始覺風光是異鄉 韓上桂御溝水詩  
曰溝道波浮映遠楊繁絲亂絮結中腸滌洄不比東歸  
水哽咽難沾五夜觴觴中酒滿淚亦滿枝上絲颺情復  
颺薜蘿紫結徒懸月菡萏朱華祇怯霜沈思此事憐孤  
寢溝水溝聲常入枕黃姑幾度惜填河織女七襄害成  
錦波去波回亦有時千金賦盡無還期但看古來溝水

地誰不吞聲恨落絲

增判唐鄭昭稍溝判曰先王之制廬井有伍爰自澮畎  
達以溝洫拯下人之墊溺變彼汾之沮洳故河渠式脩  
煥馬遷之典衡漳既導美夏禹之績今甲之所施用酌  
前訓不資穿鑿坐看通引顧源流之所觸望平疇之有  
藝况承茲水漱罔殫衆庸同史起之利人類王尊之濟  
物遂使苞蕭發詠無浸彼之虞汾澮興言多流惡之美  
既稱裨益聞此損費自可旌其殊効勸彼異能豈宜按

以不申加之底戾但刑期不僭令著明文役且不滿千  
夫法難從於五罪既不合上請即宜原宥 又湯履冰

判曰甲義恤菑畚志殷溝洫懼襄陵之荐及稍孽攸通  
稽濬川之前聞源流遂遠當以崇朝其雨高岸為谷無  
勞役之事濟稼穡之艱里則斯遙功則其倍涇泥是沃  
俄分數斗之謠韓工已成良開萬代之利歲自便稔邦  
由是臧異東西之見分寧嗟別思殊劉項之有割是悅  
昌期漱而不淫足以嘉尚決而非役奚用申為粉署將



繩恐涉察泉之義白圭思復宜從因水之詞

堰埭一

增韻曰壅水曰堰

堰埭二

增理道要訣曰秦以李冰為蜀郡太守造百丈堰灌田數千頃蜀以富饒魏國圖經曰堰山古堰也今謂之堰山即漢成帝時河決金堤蓋於此運土以塞河頗堰當時人心故謂之為堰山今在魏西縣晉後略曰張

方圍京邑決千金堰水溝渠枯涸井多無泉 吳錄曰

句容縣大皇時使陳勲鑿開水道立十二埭以通吳會  
諸郡 水經注曰沙水東南流注於潁謂之交口水次

有大堰即古百尺堰也魏書司馬宣王討王凌大軍至  
百尺堰今俗呼為山陽堰非也蓋新水首受潁於百尺  
溝 陸抗傳曰初江陵平行道路通利抗救江陵督張  
咸作大堰遏水漸積平中以絕寇叛羊祜欲因所遏水  
爲船運糧揚聲將破堰以通步軍抗聞使咸亟破之祜

至當陽聞堰敗乃改船以車運大費損功力 孔愉傳

為會稽內史句章縣有漢時舊陂毀廢數百年愉自循

行脩復故堰溉田二百餘頃皆成良業 宋書曰劉秀

之為襄陽令襄陽有六門堰良田數千頃堰久決壞世

祖遣秀之脩復雍部大豐 通鑑曰齊建元二年魏劉

昶冠壽陽豫州刺史垣崇祖欲治外城堰淝水以自固

皆曰自有淝水未嘗堰也恐勞而無益崇祖曰守郭築

堰是吾不戰之策也乃於城西北堰淝水堰北築小城

周為深塹使數千人守之魏人蟻附攻小城崇祖決堰  
下水魏攻城之衆漂墜塹中魏師退走唐書曰張守  
珪為都督瓜州地多沙磧不宜稼穡每年少雨以冰雪  
溉田至是渠堰盡為賊所毀既地少林木難為脩葺守  
珪設祭祈禱經宿而山水暴至大漂林木塞澗而流直  
至城下守珪使取充堰於是水道復舊食貨志曰太  
和初歲旱河涸掊沙而進米多耗秦漢時故漕興成堰  
東達永豐倉咸陽縣令韓遼請疏之自咸陽抵潼關三

百里可以罷車輓之勞宰相李固言以為非時文宗曰  
苟利於人陰陽拘忌非所顧也議遂決堰成罷輓車之  
牛以供農耕關中賴其利 會要曰開元二年河南尹  
李傑奏汴州東有梁公堰年久堰破江淮漕梗傑奏發  
汴鄭丁夫濬之省功速就公私利之刻石水濱紀其績  
地理志曰海陵郡有古堰亘百有五十里久廢不治  
秋濤冒民田監西溪鹽稅范仲淹言於發運副使張綸  
請脩復之議者謂將有蓄潦之憂綸曰濤之患歲十而

九潦之灾歲十而一護九而亡一不亦可乎天聖四年  
詔脩捍海堰起於天聖三載之秋成於六載之春復浦  
戶二千六百民為綸立祠仲淹作頌 齊東野語曰王

邨芮祭酒初任仁和尉長河堰有龍王廟每祭則有小  
蛇出往來者謹事之堰歲數壞人以為龍所為芮疲於  
脩築一日焚香設奠蛇果出爐上芮端笏數之曰有功  
於民者乃得祀龍廟食於此而歲數壞堰勞民之力為  
罪多矣法當殺即舉笏擊之應手碎是夕宿於近地疾

風甚雨大木盡拔土人大恐而芮處之自若後卒為名臣茅亭客話曰開寶五年成都大雨岷江暴漲永康軍大堰將壞水入府江但見驚波怒濤聲如雷吼高十丈已來中流有一巨材隨駭浪而下近而觀之乃一大蛇耳舉頭橫身截於堰上至其夜聞堰上呼噪之聲列炬縱橫雖大風暴雨火影不滅平旦廣濟王李公祠內旗幟皆濡濕堰上唯見一面沙堤堰水入新津江口時嘉眉州漂溺至甚而府江不溢

# 堰埭三

增三救

五門

述征記名伯埭到三救埭十五里百官志興武五門六門龍首涇堰滋堤凡

六堰皆有丞貞觀六年皆廢

五節

萬金

地理志隴州沂源有五節堰引隴州水通漕

又曰趙州柏鄉西有萬金堰開元中令王佐所築以疏積潦

高梁

邸閣

地理志晉州臨

汾東北十里有高梁堰武德中引高梁水溉田八百又曰湖州安吉有邸閣池北有石鼓堰引天目山水溉

田百頃

富平

遠濟

後周書曰涇州刺史賀蘭祥脩富平堰開渠引水東注於洛人獲其

利地理志蜀州新津西南二里有遠濟堰分四筒穿渠溉眉州通義彭山之田

雲門

石

鼓地理志貞觀元年開龍安東南二十三里

雲門堰決茶山水溉田石鼓堰見前邸閣注

昇源



成國

唐會要貞元十六年以納給使徐班  
兼白渠漕渠及昇源成國等渠堰使

常豐

長樂

李承傳承為淮南西道黜陟使奏置常豐堰於楚  
州以禦海潮溉屯田瘠鹵收常十倍他歲地理

志鄂州

永興北有

劉公

邵伯

地理志寶曆元年令  
劉仁師更古白渠水

長樂

堰貞元中築

道成名

曰劉公渠堰曰

愜山運土

禦潮屯田

愜山  
古堰

彭城

邵伯堰在揚州

也漢時

運土塞河詳見前

李承

芮華擊龍

韓確

築堰

禦海潮溉屯田詳見常豐注

夢膾

上詳見前 酉陽雜俎顧頭堰在山陰縣有盧冉  
嗜膾憑利求魚其表兄韓確同居方寢夢身為魚

就膾

楚痛不可忍覺述所夢

呼吏

訪市魚處與夢不殊

堰埭四

原稅錢

晉孔嚴彭祖領尚書時王奕求東海鹽錢塘以水牛牽埭稅取錢直帝從之嚴諫乃止

利漕

晉中興書曰兗州既平謝玄惠水道險澀運糧艱難壅呂梁水立七堰以利運漕

千金

堰

晉李矩與汝南太守袁孚率衆修洛陽千金堰以利運漕

九龍堰

語林曰陳協數日輒進阮

步兵酒

一壺後晉文王脩九龍堰阮薦協文王用之掘地得古承水銅龍六枚堰遂成也

名伯埭

謝安至

新城築埭後

流菜堰

晉傅祗為滎陽守造流菜堰至今兗豫無水患

人患之名曰名伯埭

增壅渭為堰

韋安為水陸運使漢有運渠起關門西抵長安引山東租賦訖隋常治之安為

使乃占咸陽壅渭為堰絕潮澹

築堤關以防不足洩

而東注永豐倉下復與渭合

有餘

李吉甫為淮南節度使奏漕渠庠下不能居水乃築堤關以防不足洩有餘名曰平津堰

脩

復王起為山南東道節度使濱漢塘堰聯屬吏弗  
完治起至部先脩復與民約為水令遂無凶年

魯

陽五堰

楊行密孫儒圍行密宣州凡五月不解臺濛  
作魯陽五堰挖輕舸饋糧故行密兵不困

立堰庸水不能暴

賈敦頤徙瀛州刺史州瀕滹沱二  
水歲溢溢壞室廬寢洳數百里敦頤

為立堰庸水不

强弩射濤頭

吳越脩史吳越王築捍  
海堰江濤夜衝擊沙岸

能暴百姓利之

板築不能就因命强弩數百以射濤頭

又親祝胥山祠

仍為詩一章亟淪置海門既而濤頭遂趨西陵乃運巨

石盛以竹籠植巨材捍之城基始定其

都水使者唐

重濠壘塹通衢廣陌亦由是而成焉

典凡京畿之內渠堰陂池之壞  
沒則下之於所由而後脩之

堰埭五

增詩宋王安石復至曹娥堰寄剡縣丁元珍詩曰溪水  
渾渾來自北千山抱水清相射山深水急無艇子欲從  
故人安可得故人昔日此水上樽酒扁舟慰行役津亭  
把手坐一笑我喜滿懷君動色論新講舊惜未足落日  
低徊已催客離心自醉不復飲秋果寒花空滿席今年  
却坐相逢處悵難求別時迹可憐溪水自南流安得  
溪船問消息 楊萬里小泊梅堰登明孝寺詩曰泊船  
梅堰日微昇一徑深深喚我登隨分垂楊兼老檣備員

野寺更殘僧 又圩丁詞十解詩曰圩田元是一平湖

憑仗兒郎築作圩萬雉長城倩誰守兩隄楊柳當防夫

何代何人作此圩石頑土膩鐵難如年年二月桃花

水如律流歸石白湖 上通建德下當塗千里江湖繚

一圩本是陽侯水精國天公敕賜上農夫 南望雙峰

抹綠明一峰起立一峰橫不知圩裏田多少直到峰根

不見塍 兩岸沿堤有水門萬波隨吐復隨吞君看紅

蓼花邊脚補去脩來無水痕 年年圩長集圩丁不要

招呼自要行萬杵一鳴千畚土大呼高唱總齊聲  
兒郎辛苦莫呼天一歲脩圩一歲眠六七月頭無滴雨試  
登高處望圩田岸頭石板紫縱橫不是修圩是築城  
傳語赫連莫蒸土霸圖未必賽春耕河水還高港水  
低千支萬派曲穿畦斗門一閉君休笑要看水從人指  
揮圩上人牽水上航從頭點檢萬農桑即非使者秋  
行部乃是圩翁曉按莊范成大長安閘詩曰斗門貯  
淨練懸板淙驚雷黃沙古岸轉白屋飛簷開是間袤丈

許舳艫蔽川來千車擁孤隧萬馬盤一坏篙尾亂若雨

檣竿束如堆推推勢排軋洶洶聲喧阗偃仄復偃仄誰

肯少徘徊傳呼津吏至弊蓋凌高埃囁嚅議譏征叫怒

不可裁吾觀舟中子一一皆可哀大為聲利驅小者饑

寒催古今共來往所得隨飛灰我乃畸旅人胡為乎來

哉樓鑰它山堰詩曰它山堰頭足奇觀百方雷雷聲

不斷誰把并州快剪刀平剪波瀾成兩段四明山深水

源遠衆壑會谿長汗漫滔天狂潦不少留瀉入長江勢

奔竄賔哉唐家王長官欲圖永利輸長算想得慘澹經  
營時下上山川應飽看西偏千嶺相屬聯惟有茲山擁  
東岸遂於此地築橫埭截取衆流心自斷斟酌利害不  
全取高下參差僅強半水大十分七八江徐挹三分供  
溉灌支流瀾瀾穿郡城脉絡貫通平且緩旱時反此水  
亦足坐使千年忘旱暵無窮廟祀報元功像設森嚴人  
敢玩梅梁天矯有冥助大患於今尚能捍前輩所作多  
神靈日月真成赤心貫後人小智或更易費盡工夫隨



破散河堙蓋因謀不集堤斷河傾流甚悍富民束手人  
受殃仰望古人重興嘆老木號風波湛碧畫屏俯仰丹  
書煥更須積雨看驚湍濡足褰裳何足憚去家不遠時  
一遊短艇垂綸流可亂八月倘有仙槎來更欲乘之泝

天漢

增判元承先無夫脩堤堰判曰備豫不虞古來善策隨  
事興理今亦宜然於廓長河邈界中國來萬里之外歷  
數州之間榮光載浮竹箭長下千里作曲呈瑞馬以出


圖三日成霖或迷牛而為害永言諸郡夾河之孺堯水  
屢逢媧灰未正俾太守沈馬空竭精誠將軍負薪猶勞  
太息則必土功展事金堤爰起匪用齊人之力孰免為  
魚之歎恭聞漢事以蠲六月之徭大哉聖朝實平百姓  
之價公家之事知無不為苟利於人胡為不可省司所  
見未室盈庭之辭州訴宜從可塞如川之口 又郭尚  
溫判曰使人以時不奪農務前王令典歷代通規頃屬  
月離畢宿天作霖雨緣河諸郡水害方殷王尊之祭徒

誠陽侯之怒無息是隄堤堰乃請脩營動衆興功雖不  
違於九月免徭酬直或大擾於百姓握蘭則兩停俱廢  
恐未得於隨時剖竹則二事兼全亦頗同於太過况頻  
遭墊溺人實阻饑若不冬成必貽春慮理須折衷事遣  
合宜則丞相無壞陂之尤將軍免負薪之苦 又劉閔  
判曰邦寧本固書稱經理之方慮始樂成易著變通之  
義且河分南北境控青徐壤雜下田土為上賦存逢堯  
水乍闕殷儲感發於中思索其極順時令庀工徒版築

爰興隄防互設崛然特起同斷岸之孤標的爾殊形狀  
屯田之錯峙期於永逸汙用有成望免外徭式酬平價  
州將當撫循之寄顧瞻黔黎省司應出納之權爰存府  
庫俱為奉國咸是循公探源若混其淄澠究理頗別於  
涇渭何則雖言營造本資其井田徒謂繕脩未起於桑  
梓力常有限徭或可蠲役靡踰時價無宜給是則上省  
勞費人防阻饑無闕於農不愆於素縱使堤疎瓠子不  
復興歌浪起桃花誰能為害 又孟楚瓊判曰五材並

用水德靈長八卦裁成坎宮流潤銀河有飄查之浪金  
堤苦懸米之憂漢書以溝洫興謠史記乃河渠發詠疏  
道得理編毗以寧春彼諸州是稱脩葺堤堰縱橫瓠子  
須切黎人阻饑匏瓜莫食遠由蘭署庶救梅林何高見  
之不同而平價之無給夫則非人莫可人則非食固存  
數日暫勞猶宜不許累旬重役焉可闕如官供尚且云  
無私備奚能取濟況國家無事王是唐堯河內有倉吏  
非汲黯但使準格興役何必申省拘文公課自有常程

令式寧無舊例免徭請價義竊惑焉



御定淵鑑類函卷三十五